

國醫藥學

蕭顯題



1959

# 凡例

- 一 本書係有清時代所著，未免衍用陰陽五行等舊說，但其理精確，切合實用，不可因其陳舊而置之也。
- 一 每藥首列本經原文，及名醫別錄唐本艸等原文，以爲根據，其有無本經別錄之原文者，多因經文簡略不詳之故，或如枳殼枳實一藥，在本經原屬一種，後人始分別論之，故枳實有本經原文，而枳殼無之，其他倣此。
- 一 每藥皆有詩歌四句，以總括該藥之性味治效，所以便讀也，學者祇熟讀此四句詩，而該藥之性味功效，知過半矣。
- 一 每藥後均列按語一段，所以補四句詩歌中所不足，其中多屬經驗之談。

一 而關於潔古東垣丹溪海藏等先哲之名言，尤足闡發經旨，而嘉惠後學，每藥下附註該藥性味製法之小字，爲清晰明瞭起見，其有正文中已有性味製法者，均不附註。

# 張序

醫學一道，難乎易乎？有學識者易，無學識者難。雖然，有學識矣，苟無經驗也，亦難。夫所謂經驗者，一曰識症，二曰用藥，三曰用藥而適如其分。何哉？蓋有學識矣，不識症則不爲功，既識症矣，不用藥則不得效，既用藥矣，而不能適如其分，則尤不足以已疾。夫如是，則藥物之學，不可以不講矣。曩者老友余擇明，時爲余道及趙海仙氏之治病，類多神奇。其言曰：「清末海仙趙氏，以醫名江淮間，遠及於大江黃河兩岸，聞有一患臃脹者，百治不效，病且危，就治於先生。先生診其脈曰：危矣。君家離此遠否？曰：水程約二百餘里。先生曰：休矣，速回，否恐不能抵家，而死於途矣。病者家屬曰：姑試一方，何如？先生曰：無藥可服，卽有之，卒

倉間亦不能立致，不可僥倖矣。病者乃登舟返，揚帆竟去。中途風急，舟忽將觸岸。舟子急以竹篙投水底撐抵之，使舟不致傾斜。篙再起，則搖首無足者一鼈刺於篙之末端也。舟子取起視之，鼻端有祇一孔，僉曰：毒物也，不可食。欲棄之，病者聞之曰：余病且死矣，烹之爲余食。衆皆曰：不可。病者固請不得已，乃烹而與之食。已小便暢下，抵家病去其半。越數日再至先生處，先生驚曰：爾不死耶？果何爲而至是哉？病者未及答，先生又訝曰：汝之病非食獨鼻孔之鼈不能愈也。但此物最難得，汝之不死得無食此物耶？病者笑曰：然偶得之耳。具告以故。先生曰：此君家積德所致也，非人力矣。於是衆服其神，乃復請其經診。病愈乃已。先生之治病也，類多如此。吾不知其果操何術以至此。今者糜生雪亭中國醫學院高材生也。余時充教授，一日糜生袖出本艸擷要一稿，云是先生遺

著，丐余爲序，余檢視一過，確爲經驗之作，噫先生之神術其在斯乎，其在斯乎，乃樂而爲之序，並記其神奇如右。

民國廿二年三月

張贊臣序於醫界春秋社

臨 床 必 備

# 國醫臨診秘典

蕭 熙 張達玉 合編

▲精裝一册定價二元四角  
平裝一册定價二元

西醫臨床多隨帶袖珍小冊以為檢  
查之用，而國醫界尙乏此書之出  
，張蕭二先生有鑒於此，特編此  
書，以應一般之要求，內容分選  
藥、選方、兩大部，每部各區細  
目，計載藥五百餘品，列方七百  
餘首，並附有藥物索引表，以便  
臨機備考，於此可知本書改進漢  
醫之貢獻，臨床醫家，醫藥學生  
，允宜手此一編先睹為快，全書  
三百餘頁，裝製袖珍本，攜帶便  
利，誠國醫臨床必備之要籍也。

趙 海 仙 遺 著

# 國醫藥物學

蕭熙張達玉校訂 全書二册  
定價二元

本書乃清代名醫趙海仙先生遺著  
，內容將本草之摘精，編為詩句  
，便於誦讀，並以數十年診病之  
經驗，加以按語，誠為國醫界不  
可多得之要籍，醫家得此參考，  
不啻勝讀十年書矣。

# 國醫初步讀本

李鈴和著 蕭熙張達玉編訂 全書一册定價六角

本書為初學中醫者而設，係九江儒醫李鈴和  
先生教授生徒之祕本，內容將藥物性用六經  
症治等，編成誦賦，易於記誦，實為醫校學  
生必誦之醫學課本，並請名著作家，蕭熙，  
張達玉，二先生重加審訂，益為完善。

上海四馬路中經山房書局發行

# 盛序

夫大帥之調兵遣將必先運籌於帷幄之中相度形勢因時制宜若者宜於陸若者宜於海若者宜於空若者宜於高山若者宜於平地若者宜於設伏若者宜於實若者宜於虛而後發號施令攻守襲擊進退合圍方足以操必勝之算也醫者之用藥處方亦何莫不然各類藥物正所藉以攻守襲擊進退合圍之具也非平時熟於胸中則用違其宜鮮有不顛覆者矣歷來本草之著不下百有餘家或病其繁或嫌其簡或其言過於空泛或其情勢功用是非各殊在膚淺者流藉行醫作餬口之計本不能精求搜討在飽學之士眼高於頂又以為不屑整理庸工之多曷足怪哉興化趙海仙爲有清一代名醫著有本艸擷要一書爲門下士糜君雪亭所獲因爲校讐付諸鉛槧並以示於余余觀其全書

編次以藥性爲分類採註各家之長而以折衷之心得附於後雖寥寥數百味誠爲切於實用刪繁剔簡之作藥物學中之精華集也或病其藥味太少殊不知兵在精而不在多不知個性則不能運用用違其宜則不能施令漫無紀律適成其爲烏合之衆雖多奚益調遣無方又安足以攻守襲擊進退合圍使其必勝也耶是書也在飽學之士展而閱之必當首肯而服膺不倦在膚淺者流熟而玩之藉療腹儉而應手稱妙爰爲序其顛末以告同志

民國二十二年六月武進盛心如序於滬上之恕廬

偶成七律一首附錄以博一粲

莫笑談兵紙上空。醫師用藥正相同。先賢手澤憑堙沒。後進心源迥蔽蒙。剔簡刪繁歸實用。致中贊育補天功。果能窺得青囊祕。妙手春回奪化工。

# 藥序

醫之爲道，良相同功，而醫學深邃，經義廣博，藥物之繁雜，症象之變幻，在在足以使人畏難而不前，致令一般識淺者，誣國醫玄奧而難知，殊不知國醫學雖博大精深，擴而充之，紛紜散漫，約而言之，不過（辨症用藥）四字而已。余嘗曰：醫家窮畢生之精力，亦祇求此四字用之精確適當耳。他何術哉！故古人以（辨症精確用藥治宜）八字，謂爲醫家畢生之能事，良有以也。但國醫書籍浩如烟海，屬於辨症者居多，對於藥物一門，頗少簡明適用，易於記誦之書。藥性賦既略而不詳，本草經又繁而不簡，以致近代醫家，恆用輕淺之方藥，敏衍塞責，良以藥性不深諳，畏首畏尾，顧慮滋多，不如若是之爲愈也。噫！藥石之不

靈驗，由於施用之不適當，藥性之不深諳，實由於無良好之藥物，善本有以致之也。雪亭不敏，慙焉憂之。每於課餘之暇，輒留心藥物專書，近於友人處搜得斯本，係清末名醫興化趙海仙先生畢生之結晶，採選恆用之藥物四百餘種，每藥首列本經原文，次以詩詞四句，包括該藥之性味治效，再按以該藥入某經治某病，搜集古來各家之至理名言，及自身數十年臨診之經驗心得，清晰明暢，便於誦讀，余即取而詳加校訂，正誤刪繁，名之曰本草摭要，不敢自秘，以打破不公開之惡習，公諸同好，以普濟四百兆之同胞。醫家苟熟讀此書，自能因藥而知症，按症而施藥，與臨診時方劑之加減，藥物之取捨，頭頭是道，迎刃而解矣。又何有沉疴之不起，痼疾之不瘳哉！是爲序。

民國廿二年春二月下泮廡雪亭識於中國醫學院

# 國醫藥物學目錄

## 花木門寒部

菊花	生地	天冬	麥冬	白芍	赤芍	知母
柴胡	前胡	枳殼	枳實	葛根	升麻	黃柏
天花粉	括蕓	貝母	桑白皮	薏苡仁	澤瀉	枸杞子
車前子	葶藶子	茵陳蒿	龍胆草	木瓜	地榆	地骨皮
黃連	黃芩	大黃	牽牛	紫草	青黛	銀柴胡
連翹	山梔子	元蓂	苦蓂	沙蓂	丹蓂	胡黃連
蘆薈	雷丸	鈎藤	蚤休	白薇	白蘚皮	天竺黃

竹葉	燈心	薄荷	蔓荊子	青廂子	草決明	蜜蒙花
秦皮	瞿麥	地膚子	金鈴子	蛇床子	槐角子	馬兜鈴
山豆根	百部	青蒿	桑寄生	苧麻根	萱草根	蒲公英
漏蘆	夏枯草	酸漿草	冬葵子	葶麻子	常山	大戟
甘遂	芫花	水萍	商陸	海藻	昆布	海金沙
大青	茅根	茜根	天明精	藜蘆	狼毒	山慈姑
蘆根	胡桐淚	貫仲	石蓮子	梨子	柿子	茶茗
粟米	葶藶	豆豉	芝蔴	茄子	白東冬	馬齒莧
甜瓜蒂						

花木門熱部

菌桂 桂心 官桂 牡桂 吳茱萸 草豆蔻 益智仁

補骨脂 黑附子 烏頭 天雄 乾姜 高良姜 藜蘆

檀香 阿魏 蜀椒 藜蘆 酒 大蒜

花木門溫部

人蔘 黃耆 當歸 川芎 熟地 山藥 藟豆

白朮 蒼朮 厚朴 防風 白芷 羌活 獨活

半夏 麻黃 紫蘇 香附子 白附子 陳皮 青皮

大腹皮	旋覆花	訶梨勒	檳榔	菖蒲	遠志	五加皮	鼠粘子	茅香	龍眼肉
生姜	紫苑	肉豆蔻	燕萁	荊芥	山茱萸	牡丹皮	丁香	茴香	胡桃
桔梗	白前	白豆蔻	使君子	秦艽	肉蓯蓉	延胡索	沉香	蒺藜	橄欖
杏仁	香薷	草菓仁	烏藥	藁本	何首烏	益母草	乳香	射干	石榴皮
萊菔子	藿香	神曲	防己	細辛	巴戟天	鬱金	龍腦	椿樗皮	葫蘆芭
五味子	木香	麥蘗	葳靈仙	續斷	金櫻子	姜黃	蘇合香	烏梅肉	狗脊
款冬花	縮砂仁	蓬莪朮	白附子	杜仲	覆盆子	紅花	安息香	大棗	鎖陽

仙茅	淫羊藿	骨碎補	稀莖草	蒼耳子	艾葉	甘松
牙皂	皂角針	松脂	柏葉	大小薊	巴豆	乾漆
澤蘭	蕤仁	辛夷	木鱉子	穀精草	白頭翁	粳米
秫米	大豆	葱白	韭白	薤白	白芥子	胡葵
苦酒						

花木門平部

茯苓	茯神	琥珀	柏子仁	酸棗仁	女貞實	山查
甘草	木通	猪苓	京三稜	芡實	乾蓮肉	鮮藕
百合	枇杷葉	石葦	石斛	兔薺子	牛膝	葶絲

天麻	南星	蒲黃	蘇木	桃仁	郁李仁	金銀花
木賊草	白薇	白芨	沒藥	血竭	赤小豆	胡麻子
黃精	萎蕤	楮實	石楠皮	海桐皮	榆皮	敗醬
剪金花	椶櫚	楓香	鶴虱	剪草	黃藥	

金石門寒部

丹砂	滑石	石膏	寒水石	硝石	元明粉	水銀
輕粉	黑鉛	黃丹	膽礬	礬石	磁石	空青
禹餘糧	石蟹	樑上塵	代赭石	硫黃	特生礬	樸硝
胡粉	花蕊石	石灰				

金石門溫部

鐘乳石	陽起石	白石英	紫石英	珊瑚	礪砂	青鹽
玄精石	自然銅	蜜陀僧	銅青	銅綠	鐵	鐵銹
鐵粉	鐵漿	雄黃	雌黃	礪石	赤石脂	無名異

身體門平部

亂髮	天靈蓋	牙齒	乳汁	紫河車	臍帶	人中黃
人中白	人溺	秋石	陽煉法	陰煉法	取秋水法	禪檔

鳥獸門寒部

犀角	羚羊角	熊膽	穿山甲	牡蠣	蟬蛻	蟋蟀
蝦蟇	水蛙	白鴨	螃蟹	田螺	鱗鱗	恬愉
蜘蛛	蟻螯	水蛭	塵蟲	蟲蟲	螻蛄	蚯蚓

鳥獸門熱部

虎骨	鹿茸	鹿角膠	臘臍	犬肉	羊肉	蝙蝠
蠶蛾						

鳥獸門溫部

麝香 阿膠 烏雄鷄 雀卵 烏賊骨 水獺肝 鯽魚  
鱣魚 衣魚 鼠婦 五靈脂 蜈蚣

鳥獸門平部

龍骨 象牙 牛黃 牛乳 兔頸骨 鱉甲 龜板  
鯉魚 鰻魚 烏梢蛇 蛇退 白殭蚕 全獸 蜂蜜  
露蜂房 石決明 海蛤 蛤蚧 五倍子 桑螵蛸 猥皮  
五穀蟲

# 痧 痘 與 療 治

張達玉：蕭熙：合編  
全册定價一元二角

痧痘爲小兒之兩大傳染病，自發明漿苗接種以來，天花之症日見鮮少，但接種之効有一定時期，如僅種一二次，仍有感染天然痘之慮，而鄉村父母缺乏新智識，小兒種痘，不知改良，殊多危險，本書分章析節，痘之施種及療法，詳細演述，痧痘之中西症治醫家病家，均有備攷之必要。

黃勞逸 毛 瀾  
沈仲圭

## 合 著

**藥物與驗方** 全書一册 定價一元  
**生理與衛生** 全書一册 定價八角  
**診斷與治療** 全書一册 定價八角

以上三書，係杭州黃勞逸、毛瀾、沈仲圭、三先生十年來談醫之結晶，以顯明之文筆，介紹醫藥之常識，初學得之，如聽良師講授，病家得之，猶聘衛生顧問，又中醫書籍，大都晦澁艱深，不易瞭解，上列各書，絕無此弊，因談學理以科學爲歸，言治法以中醫爲準，黃先生等皆醫界知名之士，凡讀過醫誌中先生等之著作，尤不可不備此三書也。

上海四馬路中經山房書局發行

# 國醫藥物學

(一名本草精華)

興化趙海仙著  
古潤糜雪亭訂正

南城蕭熙校閱  
杭縣張達玉

## 花木門 (寒部)

### 甘菊花

本經云甘菊花氣味苦平無毒主諸風頭眩腫痛目欲脫淚出皮膚死肌惡風濕痺久服利血氣輕身耐老延年

菊花主治頭風眩消散皮膚濕痺風更療腦疼明耳目又除煩熱在胸中

按菊花屬金而有土與水大能補陰宜入肺脾肝腎四經散入風上注之頭眩止兩目欲脫之淚出利血脈而周身之濕痺可除滋陰氣而胸中之煩熱頓解蓋風眩諸疾皆由水不足而火炎之故其爲患甚熾得甘菊以補陰則水盛而火自熄矣人皆謂其能除風熱益肝補陰而不知其得水之精英尤多能益金水二臟也補水所以制火益金所以平木木平則風熄火降則熱除用治諸風頭目其旨深微

### 生地黃

本經云生地黃氣味甘寒無毒主折跌絕筋傷中逐血痺填骨髓長肌肉作湯除寒熱積聚除痺生者尤良久服輕身不老

地黃生者能行血產後攻心大有功吐衄折傷皆主療。月經閉絕亦罷通。

按生地黃乃是涼血之劑入心肝脾肺四經涼心火之煩熱瀉脾土之濕熱止肺金之衄熱除肝木之血熱然涼而能補去而能生老人津枯便結婦人胎震崩漏及產後血上攻心者尤爲要藥然實脾藥中用二三分能使脾家永不受邪但其氣過寒多服恐損胃氣若血虛寒者宜酌用之涼血補陰去瘀生新養筋骨益氣力理胎產主勞傷通二便消宿食心病而掌中熱痛脾病而痿歷貪眠

生地黃味甘苦大寒生咸陽川澤惡貝母畏蕪荑

## 天門麥

本經云：天門冬，氣味苦平，無毒。主諸暴風濕偏痺，強骨髓，殺三蟲，去伏尸。久服益氣延年，輕身不飢。

天門冬味甘平苦。性冷而能補大虛。定肺鎮心除吐衄，悅人顏色，養肌膚。

按天門冬氣薄主升，宜入肺，味厚爲陰，宜入腎，保肺氣不受熱擾，定喘促，陡得康甯。苦以泄滯血而治妄行，甘以助元氣而滋生息，潤五臟，鎮心神，補勞傷，止消渴，利小便，除風痺，強骨髓，益氣力，悅顏色，養肌膚，久服延年，壽增子息。然在虛熱者尤爲良劑，若虛寒者亦弗甚相宜也。清金降火，益水之源，故能下通腎氣而滋補。蓋腎主五液，燥則凝而爲痰，得潤劑則肺不苦燥而痰自化，故濕火之痰，半夏主之，燥火之痰，天冬主之，二者易治。

鮮不危殆。

### 麥門冬

本經云，麥門冬，氣味甘平，無毒，主心腹結氣，傷中，傷飽，胃脈絕，羸瘦，短氣，久服輕身，不老，不飢。

麥門冬子味甘平。止嘔除悶，更益精。解渴補心，通結氣。又攻勞熱治時行。

按麥門冬入心肺二經，退肺中隱伏之火，益肺中不足之金，生津液而除煩渴，陰得其養，補心氣而治虛勞，熱不能侵，堪生脈之欲絕，善止血之妄行，既調中而止嘔，又散結而添精，宜其久服則五臟均安而顏色皆美矣。

然於心肺二經之中，治肺熱之功惟多，惟肺火去則金安而能生水，水盛則能清心而安神矣。治肺火加五味、人參爲生脈散，補元氣不足。

麥冬生薑  
坂肥土石

谷川谷及堤  
間久廢處

### 芍藥

本經云：芍藥，氣味苦平，無毒，主邪氣腹痛，除血痺，破堅積，寒熱，疝瘕，止痛，利小便，益氣。

白芍，酸寒，主瀉肝，積堅，腹痛，最能寬健脾，止痢，扶陽氣，順血調經，胎可安。

按白芍入肝脾二經，收陰氣，大除腹痛，扶陽氣，能補脾虛，消胸腹中積聚。

疏腰臍間瘀血，調經之所必用。止痢安胎，又兼益氣。經云：損其肝者，緩其中。此之謂也。但寇氏云：減芍藥以避中寒。丹溪云：新產後勿用白芍，恐酸寒伐生生之氣。蓋以藥之寒者，殺伐力多，生長力少。芍藥收斂下降，行秋金之令，雖微寒，味苦未若苓連之甚。古人猶諄諄告戒，况大苦大寒之藥，其可肆用而莫之忌耶。如血虛煨用，痛痢炒用，行經酒浸用，炮製得宜，本爲瀉肝益脾之良劑也。白芍益脾，能於土中瀉木。赤芍散邪，能行血中之滯。白芍酒浸炒補陰，同白朮補脾，同芍藥瀉肝，同人參補氣，同當歸補血，同甘草止腹痛，同黃連止瀉痢，同防風發痘疹，同薑棗溫經散濕。

昔酸平微寒  
生中岳川谷

芍藥味  
有小毒

赤芍

赤芍南方象丙丁。本功破血善通經。更除目疾清邪熱。下氣能令小便行。

按赤芍入肝經，瀉木中之伏火，破血內之堅癥，通腎經而利小便，除目疾而清肝邪，雖與白芍同其種類，而主治之用，殊不相侔也，故以另爲一則，以詳其本功耳。

柴胡

本經云柴胡氣味苦平，無毒，主心腹腸胃中結氣，飲食積聚，寒熱邪氣，推陳致新，久服輕身，明目益精。

柴胡引清仍除積濕痺拘攣作浴湯。主療傷寒并水脹。消痰止嗽。補勞傷。

按柴胡入肝膽二經。理傷寒而除少陽頭痛。清煩熱而治往來諸邪。散腸胃中結氣。蠲兩脇下脹痛。消痰實能止咳嗽。推積聚堪致陳新。在臟調血。內結血在肌。主氣上行經。而拘攣濕痺不堪。作浴湯以散之。誠表裏之要劑也。至於補虛勞一說。本經并無一字言及。而今人治勞。鮮有不用者。其誤人不小。不知勞有一種真臟虛損。復受邪熱。邪因虛而致勞者。可用。若勞症不犯實熱者。用之得無害世乎。且傷寒初起。亦宜慎用。恐引邪入少陽經也。柴胡手足少陽厥陰四經行經藥也。善除本經頭痛。非他藥所能止。治心下痞。胸膈中痛。能引胃氣上升。以發散表邪。去寒熱往來。膽痺非

柴胡不能除

前胡

別錄云前胡氣味苦寒無毒主痰滿胸脇中痞心腹結氣風頭痛去痰下氣治傷寒寒熱推陳致新明目益精

前胡下氣更消痰推致陳新用最堪主療傷寒寒熱病安胎止嗽治兒疳

按前胡辛可暢肺以解風寒甘可悅脾以理胸腹苦能泄厥陰之火溫能散太陽之邪主傷寒頭痛寒熱往來痰嗽痞滿心腹結氣除煩開胃推陳致新亦治小兒夜啼疳疾但勿用野蒿根形實相似只是味粗酸耳若誤

用令人反胃不受食，須味甘而氣香者爲佳。爲手足太陰陽明之藥。與柴胡純陽上升，入少陽厥陰不同也。其功長於下氣，故又能治痰熱喘痞，膈嘔逆諸疾。氣下則火降，痰亦降矣。所以爲痰氣要藥。若不因外感之痰，及陰虛火動者，俱當遠之。前胡味苦寒無毒

## 枳殼

枳殼主除胸膈病，氣高在上最能攻。消痰逐水寬膨脹。推滯疏風散結胸。

按枳殼辛歸於肺，酸歸於肝，大腸者肺之府也，胃者上焦之腑也，故均入之。主下胸中至高之氣，消心中痞塞之痰，泄腹中之滯氣，推胸中之宿食。

散風氣淋癢，通大腸便結，消水腫，寬膨脹，止霍亂，療腸風，雖與枳實同爲一種，然採有遲早，殼老而實嫩，老者性緩治高，而嫩者性酷治下，其功用亦不同也。潔古云：治胸中痞塞，泄肺氣，凡氣刺痛，看何經部分，以引經藥導之，但氣厚味薄，浮升而微降，陰中陽也，其用有四：破心下之堅痞，一利胸中之氣，二化痰，三消食，四然不可多用，多則損胸中至高之氣，止可二三分而已。東垣云：氣血弱者，不可服，以其損氣也。

### 枳實

本經云：枳實氣味苦寒，無毒，主大風在皮膚中，如麻豆苦痒，除寒熱結，止痢，長肌肉，利五臟，益氣。

枳實本功宜在下。攻堅破積性尤剛。年深痞塊痰壅癖。脇痛心膨用卽良。

按枳實入心脾二經。主消胸中之痞滿。逐心下之停水。化日久之稠痰。削年深之堅積。定喘咳。下氣逆。除腹脹。消宿食。散積血。止痢疾。疎風癢。去癥瘕。本草言其破氣而復言其益氣者。蓋佐以大黃牽牛芒硝則破氣而佐以人參白朮乾姜則益氣也。但其性猛烈。有冲牆倒壁之功。氣虛者忌之。海臟云。非白朮不能治濕。非枳實不能除痞。

### 葛 根

本經云。葛根氣味甘辛平無毒。主消渴。身大熱。嘔吐。諸痺。起陰氣。解諸毒。

葛根無毒解百毒。發散傷寒治熱狂。開胃解醒除嘔逆。更醫消渴療金瘡。

按葛根入胃大腸二經。主發傷寒之表邪。止胃虛之消渴。解中酒之奇毒。治往來之溫瘧。主發汗解肌。清熱止嘔。及陽明頭痛之仙劑。但太陽初病未入陽明而頭痛者。未可便服以發之。恐引賊入門也。卽表虛多汗者。亦不可輕用。葛根種種治效。祇在陽明一經。仲景治太陽陽明合病。桂枝加麻黃葛根。又葛根芩連解肌湯。用以斷太陽入陽明之路。非卽太陽藥也。頭痛屬陽明中風。可用葛根葱白湯。東垣云。葛根鼓舞胃氣上行。治虛瀉之聖藥。夫風藥多燥。葛根獨止渴者。以其升胃氣下陷。上輸肺金。以生水耳。

## 升麻

本經云升麻氣味甘平苦微寒無毒主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒癘頭痛寒熱風腫諸毒喉痛口瘡久服不夭輕身延年

升麻散毒解百毒時氣傷寒用最宜除熱去風攻齒痛風瘡痘疹更能醫

按升麻入大腸脾胃肺四經引葱白散手太陽之風邪引石膏止足太陽之齒痛升陽氣直入至隆之下引諸藥遊行四經之間最能解肌表攻痘疹止瀉痢辟瘟疫除蠱瘴治百毒但初病太陽症便服升麻以發陽明之

汗、汗出太過，胃中乾燥，而太陽經不解，必轉屬陽明，其害更甚，所當審而後發者也。升麻，稟極清之氣，升於九天，故元氣不足者，用此於陰中升陽，如瀉痢崩淋脫肛遺濁，須用升提，夫虛人之氣，升少降多，經曰：陰精所奉，其人壽，陽精所降，其人夭。東垣擇入補中益氣湯，獨窺其微矣。凡氣逆嘔吐者，切勿輕投。

### 天花粉

味苦甘性寒無毒枸杞使  
惡乾姜畏牛膝乾膝反烏頭

本經云：括蕒根，氣味苦寒，無毒，主消渴，身熱煩滿，大熱，補虛安中，續絕傷。

天花粉即括蕒根。止渴除煩，信莫論。更喜消痰，蠲內熱，清心抑火，是專門。

按天花粉入肺心脾胃小腸五經清心利小便消痰除咳嗽止渴退煩熱補虛通月經又能排膿消腫長肉生肌若肺金火盛而喉閉脾胃火盛而齒痛者均爲要藥也丹溪云括蕒實屬土而有水本草言治胸痺以其味甘性溫甘能補肺潤能降氣以肺受火逼失降下之令得甘緩潤下之助則痰自降以其爲治嗽之要藥又云洗滌胸中垢膩治消渴之神藥也脾胃虛寒者禁之

## 括蕒

括蕒一本號天瓜。止嗽降痰入肺家。并治乳癰與痔疾。寬中下氣亦堪誇。

按括蕒沉而屬陰入肺心二經主潤肺金之燥解心火之煩消痰而止嗽下氣而定喘又能寬中止渴療一切乳癰乳閉以及胸痺諸疾張仲景治胸痺痛引心背咳嗽喘息及胸滿痛皆用括蕒實乃取其甘寒不犯胃氣能降上焦之火使痰氣下降也

### 貝母

味辛苦性微寒無毒厚朴以薇爲使惡桃花畏秦芫礬石奔料在心拌糯米炒用反烏頭

本經云貝母氣味辛平無毒主傷寒煩熱淋瀝邪氣疝瘕喉痺乳難金瘡風痊貝母能醫煩鬱氣亦能止嗽治傷寒金瘡人面咸能療痰火氣淋服卽安

按貝母入心肺二經主清心潤肺止嗽消痰解傷寒煩熱散胸腹氣結除

鬱火、止燥渴、一切喉痹、乳難、淋瀝、疝瘕、以及金瘡、人面瘡等疾、皆能治之。其中有獨顆不作兩片者、號曰丹龍精、不入藥用。若誤用、令人筋血脈、永不收、急以黃精汁少入鹽、合服即愈。貝母本功、惟入肺治燥痰、久服非脾家所喜。汪機云、俗以半夏燥而有毒、代以貝母、不知貝母治肺金之燥痰、半夏治脾土之溼痰、何可代也。脾爲溼土、故喜燥、肺爲燥金、故喜潤。若痰屬脾經、誤投貝母、可翹首待斃。

### 桑白皮

味辛甘性微寒無毒桂心麻子爲使忌鉛鐵出棧者能殺人不可用桑枝附

本經云、桑根白皮、氣味甘寒、無毒、主傷中、五勞、六極、羸瘦、崩中、絕脈、補虛、益氣、桑白皮寒能瀉肺、補虛益氣、主傷中、更能利水、散浮腫、并殺腸間

### 寸白蟲。

按桑白皮辛則走西方而瀉肺金，甘則歸中央而利脾土，益元氣不足而補虛勞，瀉肺金有餘而止咳嗽，開胃進食，利水消腫，殺寸白蟲，止吐紅，凡傷中羸瘦，客熱煩蒸，崩中脈絕，瘀血停留，皆能主之。皮中白汁可塗唇爛，及小兒金瘡，桑枝療手足拘攣，腫毒風癢，陰管作痛，眼暈生暈，桑椹能利血脈，安神魂，黑鬚髮，明耳目，蓋枝有發散之義，而椹更有補益之功也。海臟云：入手太陰經，甘厚辛薄，甘以固元氣之不足，辛以瀉肺氣之有餘，一云葉可止汗祛風，椹可補腎，養陰生津，枝可祛風養筋。

### 薏苡仁

味甘性寒無毒，凡使以文米等入同熬待米熟取出，去米用若使以鹽湯者，煮之尤妙。

本經云，薏苡仁，氣味甘微寒，無毒，主筋急拘攣，不可屈伸，久風濕痺，下氣，久服輕身，益氣。

薏苡甘寒，治肺風，筋攣骨痛，大能攻，更除肺熱痿癱病。馬援曾收蠶脹功。

按薏苡仁，總理溼熱入肺，肝脾胃大腸五經，利腸胃，消水腫，祛風濕，療脚氣，治肺痿，健脾胃，除筋攣，止骨痛，但勢力和緩，多用方效。以顆小青色味甘者佳，若顆大者，爲糲米，味薄無力也。薏苡屬土，本是脾藥，虛則補母，故肺病用之，筋骨之病，以治陽明爲本，故筋病用之，土能勝水，故泄利水腫用之，受熱使人筋攣，受濕使人筋緩者，可用，受寒使人筋急者，不可用，妊婦久服，必致墮胎。

澤瀉

味甘鹹性寒無毒畏海蛤文蛤色白者佳

木經云澤瀉氣味甘寒無毒主風寒濕痹乳難養五藏益氣力肥健消水久服耳目聰明不飢延年輕身面生光能行水上能行在下之水而使之上也

澤瀉酸寒治泄精頭眩消渴耳虛鳴淋滋宣遂膀胱水多服令人眼病生

按澤瀉下降為陰專主滲泄入膀胱腎三焦小腸四經主分陰陽止泄瀉去胞垢退陰汗止小便淋瀝仙藥療水病濕腫靈丹扁鵲曰多服病人眼藥性曰令人面光無子乃本草稱其明目補虛止洩精消渴珍珠囊謂其生新水止虛煩恐無是理蓋小便既多腎氣焉能復實即六味丸用之亦

不過滲脾土之濕，退命門之火，以爲向導耳，非真能補其不足也。

### 車前子

味甘性寒無毒常山爲使  
妙用研細葉根功用同子

本經云，車前子，氣味甘寒，無毒，主氣癰，止痛，利水道，通小便，除濕痛，久服輕身。

耐老。

車前子性能通利止  
瀉能令水穀分行

車前子性能通利，止瀉能令水穀分明，目去風除熱毒，婦人難產用爲君。

按車前子，利水宜入手足太陽行血，宜入厥陰，主通小便，治癰閉，止泄瀉，祛濕癰，療肝經風熱，眼目赤腫，及男子傷中陰莖腫痛，女子淋瀝赤白帶濁諸疾，然逐水之劑，多損目傷腎，而本草謂其明目益精，以其能清肝中。

之熱退腎內之邪正東垣所云利小便而不走氣堪與茯苓同其功者是也車前利水之品乃云益精何也男女陰中各有二竅一竅通精乃命門真陽之火一竅通水乃膀胱濕熱之水二竅不并開水竅開則濕熱外洩相火常甯精竅常閉久久精足目明若陽氣下陷腎氣虛弱者勿用

### 葶藶子

味辛苦性寒無毒榆皮爲使畏姜蠶燈草龍肉同糯米焙黃去米用尤良

本經云葶藶味辛寒主癥瘕積聚結氣飲食寒熱破堅逐邪通利水道

葶藶辛寒能肺瀉除痰止嗽用之良綠何逐水消浮腫蓋利膀胱及小腸

按葶藶入肺心脾膀胱四經除遍身之浮腫逐膀胱之留熱定肺氣之喘

促療積飲之痰厥，破癥瘕，通結氣，然有甜苦二種。甜者性猶緩，而苦者性甚猛，須審其虛實用之。不然，則有傷肺氣，滲下元之虞也。甜者能瀉肺而不傷胃，苦者既瀉肺而易傷胃，故以大棗輔之。然肺中水氣滿急者，非此不除。

茵陳蒿

味苦性微寒無毒去根莖同葉犯則無功

本經云：茵陳蒿，氣味苦平，微寒，無毒。主風濕寒熱，邪氣熱結，黃疸，久服輕身，益氣耐老，面白悅，長年白兔食之仙。

茵陳蒿去陰邪熱，時氣天行最有功。主治通身黃疸病，祇緣能使小便通。

按茵陳入膀胱經，主傷寒大熱而發黃，風濕邪熱而成疸，清小便，治眼目行滯氣，發表汗，除頭熱，去伏瘕，其所以治疸者，蓋疸之爲病，脾受傷也，脾之所惡，濕乘土也，得此以利水，則濕去土安，而疸自痊矣，然疸有陰寒陽熱二種，陽疸熱多，有濕有燥，同梔子橘皮治燥疸，同梔子大黃治濕疸，陰疸寒多，宜用附子治之，茵陳雖去濕熱，須五苓之類，佐助成功，中病卽已，若過用之，元氣受賊。

龍膽草

味苦性寒無毒小豆貫衆爲使惡地葵地黃

本經云，龍膽氣味苦澇，大寒無毒，主骨間寒熱，驚癇邪氣，續絕傷，定五藏，殺蟲毒。

龍膽主除濕熱病亦堪止痢殺疳蟲益肝明目除驚惕治疸驅蒸  
秦大功。

按龍膽草入肝膽膀胱腎四經退肝經之邪熱除下焦之濕熱明目定驚  
治疸止痢又能殺小兒疳蟲宜以銅刀切去皮甘草湯浸一宿撈出曝乾  
用但勿空心服服之令人溺不能自禁也相火寄在肝膽有瀉無補故龍  
膽益肝膽氣以能瀉其邪熱也但其性大苦寒過服恐傷胃中生發之氣  
反助火邪亦久服黃連反從火化之義潔古云治兩目赤腫睛脹瘀肉高  
起痛不可忍以柴胡爲主龍膽爲使治目必用之藥也

木 瓜

味酸性寒無毒犯鉄器凡使用刀刮去硬  
皮并子晒乾再用黃乳拌蒸二次晒用

別錄云，木瓜氣味酸溫無毒，主濕痺脚氣，霍亂大吐下，轉筋不止。木瓜消腫強筋骨，止渴仍攻濕痺，侵又治轉筋成霍亂，更除脚氣上攻心。

按木瓜益肺而瀉肝，補脾而和胃，主療脚氣消水腫，除心痛，治奔豚強筋骨，去濕痺，調榮衛，助穀氣，和脾胃，止吐瀉，氣脫則能收，氣滯則能和，於腰腎脚膝間，誠爲要藥也。木瓜所主霍亂吐痢，轉筋脚氣，皆脾胃病，非肝病也。肝雖主筋，而轉筋皆有濕熱寒濕之邪，襲傷脾胃所致，故轉筋必起於足腓，腓及宗筋皆屬陽明，故木瓜治轉筋，非益筋也。理脾而伐肝也。土病則金衰而木盛，故酸溫以收脾胃之耗散，而藉其走筋以平肝邪，乃主土瀉木，以助金也。木平則土得令，而金受蔭矣。

地榆

味苦甘酸性微寒無毒得髮者良惡麥冬去蘆梢用

地榆主療諸般血。止痛排膿補絕傷。帶下能除十二病。更除熱痛治金瘡。

按地榆沉而屬陰，專入肝與大腸，以理下焦血症，除積熱之下痢，療久下之腸風，治崩中之帶下，止不禁之月經，又主金瘡，除惡肉，但下焦有熱者宜之，若虛寒下陷，血衰泄瀉者，勿用。諸瘡痛者加地榆，癢者加黃芩。

黃連

味苦性寒無毒連翹黃芩滑石龍骨為使惡菊茺花芫花元參白蘚皮畏疑冬花去巴豆毒烏頭毒忌豬肉

本經云，黃連氣味苦寒無毒，主熱氣目痛，皆傷淚出，明目腸澀，腹痛下痢，婦人陰中腫痛，久服令人不忘。

黃連味苦性微寒，去熱明眸，又洗肝，止痢厚腸，除腹痛，收驚益膽，潤喉乾。

按黃連入心經，瀉心中之火邪，除脾胃之實熱，消心腹之痞漏，止腸澀之下痢，療口瘡，攻目疾，主消渴，解天行，清煩燥，定驚悸，除小兒疳疾，及婦人陰腫，然苦寒之劑，主陽有餘，則苦瀉之，若久痛氣虛，心火不盛者，用之則心氣衰，而火愈熾矣，五臟六腑皆有火，平則治，動則病，故有君火相火之說，其實一氣而已，黃連入手少陰心經，為治火主藥，治心火則生用之，治肝膽實火，則以豬膽汁浸炒，治肝膽虛火，則醋浸炒，治上焦火，則酒浸炒。

治中焦火，則薑汁炒。治下焦火，則鹽水或朴硝炒。治氣分濕熱火，吳萸湯  
浸炒。治血分塊中伏火，則乾漆水炒。治食積火，則黃土炒。以上諸製法，不  
獨爲之引導，蓋辛熱能制其苦寒，鹹寒能制其熱性，在用者斟酌之耳。成  
聊攝云：苦入心，寒除熱。大黃黃連之苦寒，以導瀉心下之虛熱。又云：虬得  
甘則動，得苦則安。黃連黃柏之苦，以安虬。五味入胃，各歸所喜。酸入肝爲  
溫，苦入心爲熱，辛入肺爲清，鹹入腎爲寒，甘入脾爲至陰。黃連大苦至寒，  
入胃則先歸於心，久而不已，熱從火化，心火偏勝，反令暴絕。香連丸之合  
木香，水火散之。合乾姜，左金丸之合萸菜，黃散之合生姜，治下血則  
合大蒜，治口瘡則合細辛，治伏暑之用酒蒸，皆寒熱并用，以防其偏勝之  
害。慎齋云：黃連能瀉心肝之火，引入心，用一分，引入肝，用三分，蓋慎之也。

服黃連，不得犯豬肉。

黃芩

味苦平性寒無毒爲佳萊莢龍骨爲使惡葱實  
畏丹砂牡丹葵蘆丹參酒炒則條枯芩功同此

本經云黃芩氣味苦寒無毒主諸熱黃疸腸澼洩痢逐水下血閉惡瘡疽蝕火  
癩

黃芩主熱除黃疸。止痢通淋治惡瘡。女子崩中并血閉。小兒腹痛  
用尤良。

按黃芩入肺大腸膀胱膽四經中枯而飄者瀉肺火消痰利氣除風濕留  
熱於肌表細實而堅者瀉大腸火養陰退陽滋化源除熱於膀胱凡胸膈  
痞滿肚腹疼痛膿血下痢眼目赤腫通身黃疸帶漏崩中以及血閉胎搖

惡瘡熱毒，皆能治之。然必分飄與實者。蓋飄者有上升之義，而實者有下行之理。故其主治，亦有高下之分。若無實火，則不宜輕用也。主治祕訣云：性涼，味苦甘，氣厚，味薄，浮而降，陽中陰也。其用有九：瀉肺經熱一也，夏月須用二也，上焦及皮膚氣熱三也，利胸中氣四也，婦人產後養陰退陽五也，去風熱風濕六也，消膈上痰七也，除上焦熱及脾濕八也，安胎九也。丹溪云：黃芩安胎者，乃上中二焦藥，降火行下也。縮砂安胎者，止痛行氣也。若血虛而胎不安者，阿膠主之。

## 大黃

味苦性寒無毒黃芩爲使有錦紋者佳生用下行酒浸上行若蒸七次以透爲度

木經云：大黃氣味苦寒無毒，主下瘀血，血閉寒熱，破癥瘕積聚，留飲宿食，蕩滌

腸胃推陳致新，通利水穀，調中化食，安和五藏。

大黃駿快號將軍，不特推陳又致新。宣氣消癰除熱結，又除瘀血效如神。

按大黃入脾胃大腸心肝五經，其性沉而不浮，其用走而不守，奪土鬱而無壅滯，定禍亂而致太平，故有將軍之名。凡一切實熱不通，心腹脹滿，飲食積聚，腸胃壅塞，痢疾目疾，血閉血癥，結熱留痰，癰腫赤痘，得此推致而滌蕩之，誠不啻抽薪釜底之妙也。然仲景百勞丸，糜蟲丸，却用此治心氣勞傷吐血衄血，何也？蓋吐衄之疾，非獨心氣不足也，乃心氣勞傷而邪熱因而客之，故令吐衄耳。况瘀血不去，則新血不生，以苦泄其熱，卽以苦補其心，蓋一舉而兩得之，未有不瘳者，惟審虛實而已。若傷寒脈弱及風寒

未解者禁用。仲景治二衄，用瀉心湯。大黃、黃芩、黃連是也。本因少陰不足，本經之陽亢甚，以致陰血妄行飛越，故用大黃瀉去亢甚之火，使之平和，則血歸經而自安。夫心之陰氣不足，肺與肝俱各受火邪而病作，以黃芩救肺，黃連救肝，肺者陰之主，肝者心之母，血之合也。肝肺之火既退，則陰血復其舊矣。李時珍云：大黃廼血分藥，病在氣分者用之，是謂誅伐無過。

### 牽牛

黑白二種，味皆辛寒，有無毒用水淘浮者去之，取沉者去皮酒浸蒸用。

牽牛辛苦性微寒。下氣除風利小便。專治腰疼并脚痛。更消水腫落胎元。

按牽牛入大小腸二經，主下氣除濕，通二便，祛壅滯，退水腫，消風毒，除腰

脚之痛墮婦人之胎然驅逐甚疾最傷元氣惟病形與症俱實者可用若非濕甚氣滯以致肚腹脹滿二便秘結者不宜輕試也牽牛但能瀉氣中之濕熱不能瀉血中之濕熱况濕從下受下焦主血是血中之濕宜用苦寒之味若以辛藥瀉之傷人必矣至於飲食失節勞役所傷是胃氣不行心火乘之腸胃受火邪名曰熱中脈經云脾胃主血所生病當於血中瀉火潤燥補血破惡血瀉胃中之濕熱及胸中熱不使肺受火邪當以黃芩之苦寒瀉火以當歸之辛溫和血以生地黃之苦寒涼血補血少加紅花之辛溫以瀉血絡以桃仁之辛甘油膩之藥以破惡血兼除燥潤大便然又不可常用須於正藥補中益氣湯黃耆人參甘草諸甘溫甘寒補元氣瀉陰火之藥內兼而用之若上焦元氣已自虛弱復用牽牛大辛辣之藥

以瀉水瀉元氣可乎，若津液已不足，口燥舌乾，而利其小便，瀉已虛之元氣，竭重亡之津液，以致陰火愈甚，重則必死，輕則壽夭，誠可憫也。

### 紫 草

味苦性寒無毒去黏土用若脩製每斤用蠟燭二兩鎔化水蒸待水乾取出到用

紫草苦寒通九竅。煎膏可療小兒瘡。更攻腫疽宣淋閉。痘疹時行作浴湯。

按紫草入心小腸二經，除心腹之邪氣，脹滿作痛，解陽明之痘毒，血熱妄行，通九竅，治五疔，利水道，消瘡毒，其嫩茸尤妙。若痘發熱，焦紫鼻紅者，頗有起死回生之功。若痘色灰白，症係虛寒，毫釐不可用也。

青

黛

味苦平性  
寒無毒

青黛苦寒能解毒。小兒胎惡及須攀。更消驚悸除疳疾。亦治傷寒發赤斑。

按青黛入肝脾二經。清鬱火。堪止膈上之稠痰。療傷寒。能消遍身之癍赤。解熱毒。殺諸蟲。治小兒稟受胎熱。一切鼻赤面青。唇焦目眇。以及驚癇邪氣。疳蟲消瘦。尤爲要藥也。丹溪云。青黛能收五藏之鬱火。解熱毒。瀉肝消食積。

連

翹

味苦性微寒無  
毒牛蒡子爲使

本經云連翹氣味苦平主寒熱鼠瘻癰瘰癧腫惡瘡癰癧結熱蠱毒  
連翹苦寒療蟲蠱主治癰瘡及癭瘤通利五淋行月水若除心熱  
必須求。

按連翹入心肝膽胃三焦大腸六經瀉六經之客熱散諸腫之瘡瘍利小  
便解痘毒通月水療五淋破癭瘤殺寸白藥性曰除六經熱與柴胡同功  
但柴胡治氣熱連翹治血熱是別耳其瀉六經之熱尤以心經爲最也若  
與鼠粘子同治瘡瘍別有神效手少陰主藥也心爲火主心清則諸藏皆  
清諸瘡痛癢皆屬心火故瘡家以爲要藥然其性苦寒多用則減食

### 山梔子

性寒味苦無毒解羊躑躅及糜蟲毒皮薄而圍七稜  
及九稜赤色者佳顯者而長及伏尸子不堪入藥

本經云，梔子氣味苦寒無毒，主五內邪氣，胃中熱氣，面赤酒皰，鼽鼻白癩，赤癩瘡瘍。

梔子苦寒能解毒，專攻黃病及瘡瘍。更醫曰：赤心煩悶，又治諸淋利小腸。

按梔子入心肺大小腸膀胱胃六經，除五內之客熱，瀉肺胃之火邪，療心中懊懣，幾顛倒而不得眠，治臍下血滯，欲小便而不得利，一切亡血津枯，虛煩燥熱，目赤面紅，瘡瘍癰腫，以及五種黃疸，最能治之。潔古云：輕清上行，丹溪又曰：屈曲下行，兩家之說似相左矣。不知惟其上行，最能清肺，肺氣清而化，則小便從此氣化而出，經所謂膀胱者，津液藏焉，氣化則能出者，是也。仁去心胸之熱，皮去肌膚之熱，清肌熱則存皮，清心熱則去皮，虛

火炎者炒黑，用煩越嘔逆者薑汁炒，用此外並宜生服也。梔子輕飄象肺，故獨入肺家，瀉有餘之火，種種功用，皆從肺旁及者也。大苦大寒，損胃伐氣，虛者忌之。世人每用治血，不知血寒則凝，反成敗症。治實火之吐血，順氣爲先，氣行則血自歸經。治虛火之吐血，養正爲先，氣壯則自能攝血。此治療之大法，不可少違者也。悞用梔子，其害也必矣。

## 元 參

味苦酸性寒無毒惡黃者乾姜大小  
茉莉花反藜蘆犯銅鑿令人噎喉損

本經云，元參氣味苦微寒無毒，主腹中寒熱積聚，女子產乳餘疾，補腎氣，令人明目。

元參苦寒除風熱，補腎令人耳目明，散核消癰攻腹痛，更醫喉痛。

### 去堅癥

按元參氣輕清而苦能入心肺以清上炎之火體重濁而鹹能入腎經以滋足少陰之水主除風熱療心煩補腎氣明眼目攻喉痛理頭風解熱毒散癰腫消癭核去血癥亦能治腹中寒熱積聚及女子產後乳疾易老云元參乃樞機之劑管領諸氣上下肅清而不濁諸風熱並傷寒陽毒多用之以其能瀉無根之火散氤氳之氣也足少陰腎經君藥也治本經須用之腎水受傷真陰失守孤陽無根發爲火病法宜壯水以制火故元參與地黃同功其消瘰癧亦是散火須用蒸晒稍減寒性亦不可多服

苦

參

味苦性寒無毒方爲好惡久毋兔絲子反藥  
蘆以糯米泔浸一宿去浮而腥穢者晒用

本經云，苦參氣味苦寒，主心腹結氣，癥瘕積聚，黃疸，溺有餘瀝，逐水，癰除腫，補中，明目，止淚。

苦參味苦，殺疳蟲，逐水，消癰，更補中，止渴，療瘡，通結氣，又除積聚，治腸風。

按苦參入胃大腸肝腎四經，主通結氣，除積聚，去濕熱，消風疹，逐停水，攻黃疸，平胃氣，殺疳蟲，止淋瀝，醫腸澼，明眼目，收墮淚，消癰腫，治陰墜，亦能補中定志，止渴益精，或謂其損腰者，以其降而不升，非傷腎也，苦參屬水而有火，是少陰腎經君藥也，能峻補陰氣，治大風有功，况風熱細症乎，東垣云，能治熱毒風，皮膚煩燥，諸瘡，赤癩，脫眉。

沙參

味苦性微寒無毒

本經云沙參氣味苦微寒無毒主血結驚氣除寒熱補中益肺氣

沙參主血攻寒熱益氣除驚及補中可止頭疼心腹痛又消瘡腫又排膿

按沙參入心肺二經除寒熱邪氣止心腹疴痛補中虛益肺氣止頭疼瘰胸痺攻血積消驚悸亦能治惡瘡癥疝消腫排膿易老用之以代人參不知人參味甘補五臟之陽沙參味苦補五臟之陰安得不異也時珍曰人參味甘而溫其體重實專補脾胃元氣因而益肺與腎故內傷元氣者宜之沙參甘淡而寒其體輕虛專補肺氣因而益脾與腎脾爲肺母腎爲肺子故金受

火尅者宜之

丹 參

味苦性寒無毒

本經云，丹參氣味苦微寒，無毒，主心腹邪氣，腸鳴幽幽如走水，寒熱積聚，破癥除瘕，止煩滿，益氣。

丹參破血療癥瘕，去宿生新入血家。邪熱悶狂並眼赤瘡癰胎產亦爲佳。

按丹參色赤屬火，入心經，養神定志，能消邪熱悶狂，破結除癥，堪調月經崩帶，去宿血而補新血，安生胎而落死胎，凡一切癰腫目赤吐衄便紅，皆能主之，蓋手少陰血劑也。丹參色合南離，獨入心家，專主血症，古人稱丹

參一味兼四物之功，嘉其補陰也。胃氣虛寒者，斟酌用之。

黃藥

味苦性寒無毒惡乾漆肉厚而色鮮者佳酒鹽水浸炒用

本經云：黃藥氣味苦寒，無毒，主五臟腸胃中結熱，黃疸腸痔，止洩利，女子漏下，赤白陰傷蝕瘡。

黃藥能除腸胃熱，涼肝明目，治癰瘡，更除血痢並黃疸。女子胎中用亦良。

按黃藥入腎膀胱二經，瀉膀胱隱伏之火，補腎水欲竭之陰，安上焦之虻蟲，滌腸胃之積熱，利小便，除濕氣，消黃疸，止血痢，明眼目，強腰膝，治癰腫，療崩疾，蜜炙爲細末，療口瘡如神。又痿蹶癱瘓，於黃芪湯中少加用之，可

使兩腿中氣力湧出，但其性苦寒，必鹽酒多炒，方不致寒入於胃也。若兩尺微弱者，禁用。主治祕訣云：性寒味苦，氣味俱厚，沉而降陰也。其用有六：瀉龍雷之火一，利小便熱結二，除下焦濕腫三，治痢疾先血四，去臍下痛五，補腎氣壯骨髓六。二製則治上焦，單製則治中焦，不製則治下焦。既能瀉火，亦能利竅，小便黃用藥皮，澁者加澤瀉。

## 知母

味苦性寒無毒爲君犯鐵器則損腎須泡去毛鹽酒炒

本經云：知母氣味苦寒，無毒，主消渴熱中，除邪氣，肢體浮腫，下水，補不足，益氣，知母能令腎水生，眼花目眩可還明。骨蒸乾嗽，虛陽勝，抑火滋陰，煩渴清。

按知母入腎瀉無根之腎火，療有汗之骨蒸，止虛勞之陽勝，滋化源之陰生。凡口渴乾嗽，目眩眼花，便赤腰疼，煩燥不寐，一切陽盛陰衰之症，服之皆愈。蓋知母爲生水之劑，水盛則火自熄，經所謂壯水之主，以制陽光也。但肺家寒嗽，及腎氣虛脫無火者，宜慎之。腎苦燥，宜食辛以潤之，肺苦逆，宜食苦以瀉之。知母之辛苦寒涼，下則潤腎燥而滋陰，上則清肺金而瀉火，乃二經氣分藥也。黃蘗是腎經血分藥，故二藥必相須而行。上熱者以苦泄之，知母黃芩之苦涼心去熱，又凡病小便閉塞而渴者，熱在上焦氣分，肺中伏熱不能生水，膀胱絕其化源，宜用氣薄味薄淡滲之藥，以瀉肺火，清肺金而滋水之化源。若熱在下焦血分而不渴者，乃真水不足，膀胱乾涸，是無陰則陽無以化，法當用黃柏知母大苦寒之藥，以補腎與膀胱。

使陰氣行而陽自化，小便自生。

### 枸杞子

味苦甘性微寒  
無毒

本經云：枸杞子，氣味苦寒無毒，主五內邪氣，熱中消渴，周痺風濕，久服堅筋骨，輕身不老耐寒暑。

枸杞子寒能有補，去風明目，益元陽，更清邪熱，除煩渴，益髓堅筋，治損傷。

按枸杞子入肝腎二經，主五內之邪熱，補腎水之虛寒，去周身之濕痺，療皮節之風邪，除頭痛，明眼目，補勞傷，壯心氣，清煩躁，止消渴，堅筋骨，益精髓，強陰道，增智慧，久服延年，然惟甘州者有功，至於土產者味苦，但能利

大小腸及清心除熱而已。其苗乃天明精，苦甘而寒，上焦心肺客熱者宜之。根乃地骨皮，甘淡而寒，下焦肝腎虛熱者宜之。此皆三焦氣分之藥。所謂熱淫於內，瀉以甘寒也。至於子，則甘平而潤，性滋而補，不能退熱，祇能補腎潤肺，生津液益氣。此乃平補之藥。所謂精不足者，補之以味也。分用之，則各有所主。兼用之，則一舉兩得。腸滑者禁枸杞子，中寒者禁地骨皮。

地骨皮

味苦性寒無毒用東流水浸潤去土撈出待乾破去其骨再用熱甘草湯浸用

地骨皮寒須去骨。骨蒸勞熱最爲良。亦能清肺除消渴。涼血祛風利二腸。

按地骨皮入腎，其質在皮，其用在表。肺主皮毛，亦兼入焉。療在表無定之。

風邪退傳屍有汗之骨蒸除寒熱去濕痺清肺氣止咳嗽涼骨血止消渴利大小二腸解肌熱內熱其功大約與枸杞相似也世人但知用黃芩黃連苦寒以治上焦之火黃柏知母苦寒以治下焦陰火謂之補陰降火久服致熱傷元氣而不知枸杞地骨甘寒平補又能使精氣充而邪火自退之妙予嘗以青蒿佐地骨退熱屢有殊效皆人所未喻者惜或東垣云四物湯內加地骨牡丹皮治婦人骨蒸最妙又云地骨皮治足少陰手少陽有汗之骨蒸也

### 銀柴胡

柴胡一本產銀州勞熱煩蒸功最優若是小兒疳病劇任教羸乏

得助飲。

按銀柴胡產銀州者勝，色白黃而大，爲治勞熱骨蒸之要藥，色微黑而細者力減。

胡黃連

苦味性寒無毒惡菊花玄參白蘇皮忌  
猪肉解巴豆毒折斷出塵如烟者佳

胡黃連苦性寒平。止嗽明眸療骨蒸。瘡痢兒疳陰汗。止理腰腎與  
鎖痲驚。

按胡黃連苦寒，能瀉肝膽腎三經之火，療傷寒咳嗽，除勞熱骨蒸，補肝膽，明眼目，止瀉痢，益顏色，治虛人五心煩熱，妊婦胎震虛惕，以及濕瘧往來，二三消五痔，皆能主之，然於小兒疳疾盜汗霍亂驚癇，尤爲要藥也。

蘆 蒼  
味苦性寒無毒解巴豆毒  
一名象胆

蘆蒼俗呼爲象胆。以其味苦故名之。小兒驚熱顛痛病。瘡痔疳蟲必取茲。

按蘆蒼之苦。本入心經。而肝則其母也。亦兼入之。消風熱。除煩悶。明眼目。治驚癇。療疳疾。殺三蟲。攻疥癬。及痔瘻諸瘡。然在小兒疳驚諸熱。尤爲良劑。不可少者也。

雷 丸  
味苦鹹性寒有小毒火炮用荔實厚朴芫花爲使惡葛根扁蓄用甘料水浸蒸晒三次用

雷丸味苦殺三蟲。寸白皮中熱結通。若作摩膏如法用。小兒百病

### 最能攻。

按雷丸入脾胃肺三經，除陽明胃中之熱，逐皮裏膜外之水，治癩癩狂走，去惡風汗出，解蠱毒，殺諸蟲，又作摩膏，堪療小兒百病，以色白爲佳，赤者有毒，能殺人，不宜用。

鈞

籐

別錄味甘平性寒無毒色黃而嫩鈞多佳

本經云，鈞籐氣味微寒無毒，主小兒寒熱，十二驚癇。

鈞籐無毒味甘平，似鈞鈞形，故得名，專治小兒風癩癢，更攻客忤卒癇驚。

按鈞籐專主風邪，故於十二經無所不入，一云入肝經，活血舒筋，堪治周身

瘰癧消驚除熱能攻一切癩癩凡小兒胎風客忤熱壅夜啼皆能主之雖其功用專治嬰兒餘方不載然亦驚門獨聖也此手足厥陰之藥足厥陰主風手厥陰主火驚癩眩運皆肝木相火之病此藥通心包肝木風靜火熄則諸症自除

蚤

休

味苦性微寒有小毒

草河車卽線重樓。本草編名曰蚤休。主治癩癩驚熱病。何愁弄舌與搖頭。

按蚤休入心經一云入肝經亦能除驚治小兒胎風癩疾弄舌搖頭稱爲神品亦能解毒療一切癩癧瘡癰蛇傷陰慝尤入仙家一名草紫河車一名

金線重樓者是也

白

薇

味苦鹹性大寒無毒惡黃耆大黃大戟干薑大棗乾漆山茶莢以糯米泔浸一宿去黏土細剉而後用

白薇葱管者為奇主治風狂忽不知更療傷中淋瀝病並除溫瘧發無時

按白薇入心腎二經益精髓療驚邪下水道利陰氣主暴中驚風身熱腹滿狂惑鬼邪忽不知人並溫瘧往來傷中淋瀝等症形如牛膝白前而短小似葱管者為佳治婦人產中虛煩嘔逆安中益氣竹皮丸方中用之

白蘚皮

味苦酸性寒無毒惡鱧鮓桔梗茯苓草薺

蘚皮除痘通淋瀝主療風癱起止難又治疥瘡諸熱毒女人陰痛小兒疳

按白蘚皮入肺小腸二經一云入脾經主療頭風止咳嗽通淋瀝止黃疸攻濕痺去死膚治女子陰痛小兒驚癇並一切疥癬惡瘡癬瘡楊梅諸腫熱毒天行時疾其所以然者蓋由於去風濕和血脈通九竅利小腸之功也

天竺黃

味甘性寒無毒

天竺黃生天竺國今諸竹內卽生黃小兒天吊驚風候明目清心療刃瘡

按天竺黃入心經清心目除驚解煩驅邪氣逐痰涎凡小兒驚癇天吊

風熱諸症，皆能治之。蓋其功用，專能瀉少陰之火，惟火去而驚邪諸疾，靡弗瘳矣。但產於天竺國，卽竹節內黃粉，今多有僞者，須辨其片片如竹節者，爲真也。

### 竹葉

味甘性微寒無毒淡竹爲上苦竹次之餘竹不能用竹茹竹瀝附

竹葉解煩除咳逆。胸中痰熱最堪消。若思止嘔皮須刮，如欲攻風瀝可燒。

按竹葉生於半中以上，主治多在上焦，宜入心肺胃三經，主新舊風邪之煩熱，定喘促，氣盛之上衝，療傷寒除咳逆，止消渴，解虛煩，攻喉痺，止嘔吐。若去青刮取，則爲竹茹，其功最能除鬱，凡胃熱嘔噦，氣滿膈噎，及煩渴吐。

衄崩中帶漏諸症，皆能治之。如火燒取汁，則爲竹瀝。竹瀝者，竹之液也。猶人身之有血也。極能補陰，主陰虛發熱，中風牙噤，除消渴，清煩燥，定驚悸，歛自汗，痰在手足四肢，非此不達。痰在皮裏膜外，有此可繩，又能主小兒天吊驚癇，婦人懷胎悶暈，胎前不損子，產後不致虛，其有功於人大矣哉。竹瀝滑痰，非佐以姜汁，不行經絡。痰在膈間，使人顛狂，宜用。風痰亦宜用。其功又能養血，大抵痰因風火燥熱而生者，宜之。若寒濕胃虛腸滑之人，服之反傷胃氣而滑腸。

燈心

味淡性寒無毒

燈心無毒味甘平。水煮根苗治五淋。兒若夜啼燒末服。破傷搗敷。

### 值千金。

按燈心入心小腸二經除胸腹之邪氣解五內之煩渴清心定驚除熱利水燒灰用治小兒夜啼敷金瘡能止血吹喉中能治急喉痺亦清輕良品也潔古云氣平味甘通竅澁不利小便除水腫治五淋祕訣云辛甘陽也瀉肺

### 薄荷

唐本草味辛性微寒無毒須去枝梗搓碎用

唐本草云薄荷氣味辛溫無毒主賊風傷寒發汗惡氣心腹脹滿霍亂宿食不消下氣煑汁服亦堪生食

薄荷辛寒瀉肺經中風痰結可清音頭疼目赤兼膨腫除熱消驚

## 亦鎮心

按薄荷入肝肺二經，清利六陽之會首，祛除諸熱之風邪，療中風失音，攻頭風目痛，發毒汗，通關節，消痰結，治兒驚，亦能破血止痢，消腫寬膨，引諸藥入榮衛之良劑也。爲足厥陰氣分之藥，能搜肝風，又主肺盛有餘，治肩背痛，骨蒸勞熱，及風寒汗出，辛能發散，涼能清利，故也。辛香善疎結滯之氣，多服損心肺。

## 蔓荊子

味苦甘性微寒無毒惡石膏  
馬頭揀淨酒浸一宿蒸晒用

蔓荊實主頭風痛，利竅通關，去白蟲，堅齒輕身，攻目赤，並除筋骨熱寒攻。

按蔓荊子入肝膀胱二經散表裏之風邪除太陽之頭痛攻目赤而去翳膜通關節而殺白蟲亦能涼血利竅堅齒輕身但胃虛者不宜多用恐致生痰疾也

青廂子

味苦性微寒無毒

青廂子主皮膚熱又治肝經熱上攻明目去風除搔癢并攻瘡痔殺三蟲

按青廂子入心肝二經清肝臟明眼目堅筋骨益腦髓除邪氣殺三蟲一切皮膚風熱疥蟲搔癢以及惡瘡痔蝕下部皰瘡皆能治之一名草蒿者是也目者肝之竅古方用之治目往往有驗其爲肝經除熱之品無疑

草決明

味鹹苦甘性微寒  
無毒惡火麻子

決明能主肝家熱。明目祛風最有功。塗貼太陽除腦痛。鼻洪則貼腦心中。

按草決明專入肝經。除肝熱。治頭風。療青盲。收墮淚。研末貼太陽。除腦痛。貼腦心。除鼻洪。以之塗腫。亦能散血熱。然在眼科。尤為要藥也。

蜜蒙花

味寒性寒無毒。煉淨先以酒洗浸。一宿漉出。曬乾。用蜜拌蒸。用三次。

蜜蒙花主能明目。浮翳青盲用最宜。若是小兒敷痘毒。熱疔入眼。亦能醫。

按蜜蒙花專入肝經，去青盲浮翳，治赤脈貫睛，止墮淚，除澁眵，又小兒敷痘及疳眼，皆能主之。雖治眼之外，別無他長，然去暗還明之功，不可少也。

秦皮

味苦性寒無毒大戟爲使惡吳茱萸苦瓠防葵

秦皮洗眼除昏熱。大治風寒濕痺。攻男子少精宜補益。婦人帶下。

却收功

按秦皮入肝腎二經，散風寒濕痺，除邪熱利下，去肝中久熱，兩目赤腫，青白翳，暈流淚不止，及丈夫精衰，女子帶下，小兒風熱癩驚，但脾胃虛寒者，不宜多用也。其治目病驚癩，取其平木也。治下痢崩帶，取其收澹也。又能治男子少精，益精有子，皆取其澹而補也。

瞿麥

味苦辛性寒無毒用  
實殼不用根莖葉

瞿麥主通關格病小便癰結可宣行。決癰明目能除翳。隨子催生  
利月經。

按瞿麥入小腸肝腎三經，最能通關節，宣利小便，行血通經，催生墮子，而  
又能明目去翳，決癰排膿者，亦以其能清利血熱故也。利小便爲君主之  
藥，古方家治難產，有石竹花湯，治九孔出血，有南天竺黃飲，皆取其破血  
利竅也。

地膚子

味苦性  
寒無毒

地膚子卽落筓子。主療膀胱利小便。更治熱風明眼目。益精補氣入湯圓。

按地膚子入肝腎小腸膀胱四經。一云入脾經。除濕熱。分水穀。益精氣。明眼目。可洗皮膚之風。其性體功用大約與車前子相似。先哲云。衆病皆起於虛。虛而多熱者。加地膚子甘草。

金鈴子

味苦性寒有小毒晒乾酒蒸去皮核用產蜀中者佳

卽苦棟子產四川者良

金鈴棟實兩名同。膀胱冷氣大能功。又除臟毒並寒熱。若用根皮最殺蟲。

按金鈴子入心小腸二經。療傷寒溫疫。理大熱顛狂。利小便。治瘡瘍。其根

皮最能殺三蟲，蠲腹痛，然必雀食其實者可用，否則傷人也。棟實導小腸，膀胱之熱，因引心包相火下行，故心腹痛及疝氣爲要藥。

蛇床子

味苦辛甘性微寒有小毒惡牡丹皮巴豆貝母酒浸一宿地黄汁拌蒸焙乾方可用之

苦寒無毒是蛇床，逐痺除風治惡瘡，陰內腫疼並濕癢，女男浴洗可煎湯。

按蛇床子入肝腎二經，主風寒濕痺，諸惡疥癬，婦人陰中腫痛，男子陰痿濕癢，久服亦能駐顏輕身，令人有子，蛇床乃右腎命門少陽三焦氣分之藥，神農列之上品，不獨補助男子，而又有益婦人。

槐角子

味苦酸鹹  
性寒無毒

附枝皮膠花

本經云槐實氣味苦寒主五內邪氣熱止涎唾補絕傷五痔火瘡婦人乳癥子  
藏急痛

槐實主除邪熱氣更攻五痔火燒瘡用皮灌漱風疳齒若治陰癩  
作浴湯。

按槐實入心肝大腸三經主五內邪熱五痔腸風湯燙火燒崩中帶下男  
子囊墜腫疼婦人陰中濕癢酒下能催生墮胎久服能延年益壽黑髮烏  
鬚其枝條能治九種心疼洗濕熱諸瘡皮主中風攣急皮膚不仁祛齒齲  
攻喉痺消癰解毒止痛生肌膠主一切風火化痰或肝臟中風筋脉抽掣

或急風口噤四肢不收，或毒風周身癢如蟲行，或破血傷風，口眼喎斜，腰膝強硬，皆能治之。花與實同功。又主心痛，目赤，熱毒疔腫，赤白下痢，小兒驚痛，雖所治各有所長，而功用要歸於除風去濕，亦大同小異也。

### 馬兜鈴

開寶味苦性寒無毒取  
裏子去膜膈淨用方佳

開寶云：馬兜鈴氣味苦寒無毒，主肺熱咳嗽，痰結喘促，血痔瘰瘡。

馬兜鈴子如鈴狀，根即名爲土木香，肺熱欬痰成喘促，瘰瘡血痔  
用之良。

按馬兜鈴入肺經，清肺熱，除痰結，止咳嗽，定喘促。又治血痔瘰瘡者，蓋肺與大腸相爲表裏，肺遺熱大腸，故有此症。今清其裏而表病自愈，其根名

爲土木香，下氣甚速，能止下膈刺痛也。體輕而虛，熱則懸而四開，有肺之象，故能入肺。氣寒，味苦微辛，寒能清肺熱，苦辛能降肺氣。錢氏補肺阿膠散用之，非取補肺，乃取其清熱降氣也。邪去則肺安矣。

山荳根

味甘性寒無毒

山荳根能除腫毒。急黃熱嗽用宜先。咽喉腫痛含津液五痔頭瘡用水研。

按山荳根入心肺二經，除熱嗽，消癰腫，攻五痔，療頭瘡，解諸藥毒，最效。止咽喉痛如神。然於心肺二經之內，尤專瀉心火，惟心火去，則金無損，而肺熱諸症自可無虞矣。

百部

味甘苦性寒有小毒

百部微寒除肺熱。多年咳嗽用尤良。疝疣疥癬皆可治。去虱仍堪  
煮作湯。

按百部入肺經。除肺熱。止咳逆。療傳屍。治骨蒸。凡疝虻寸白諸蟲。以及虱  
子。皆能殺之。蓋以其有小毒也。須用竹刀劈開。去心酒浸用。一云百部氣  
溫而不寒。寒嗽宜之。與天冬性寒而不熱。熱嗽者宜之。為稍異耳。

青蒿

味苦性寒無毒童便浸七宿晒乾用為佳

青蒿一本作青蒿。能療煩蒸更補勞。風疹洗瘡除疥虱。秋冬用子

### 夏根苗。

按青蒿能瀉丙丁之火，宜入心經，除勞熱，療骨蒸，歛盜汗，治虛煩，煎湯洗瘡，可除疥虱，根、苗、子、葉皆可入藥，但各有用處，用子勿用葉，用根勿用苗，若齊用，則有損無益也。青蒿治骨蒸勞熱為最，古方單用之，蓋得春木少陽之氣最早，故所主之證皆少陽厥陰血分病也。

### 桑寄生

味苦甘性微寒無毒

本經云：桑寄生，氣味苦平無毒，主腰痛，小兒背強，癰腫，充肌膚，長鬚眉，堅牙齒，安胎。

桑上寄生為寓木。主除腰痛及金瘡。胎前產後皆宜用。並治崩中。

補內傷。

按桑寄生入肝腎二經，除腰痛，去風濕，療金瘡，益血脈，健筋骨，充皮膚，長鬚髮，堅牙齒，安胎氣，下乳汁，止崩漏，補內傷，胎前產後，皆宜用也。

葶藶根 味苦性寒無毒

葶皮續布葶根良。補血安胎殊可嘗。止渴須求漬葶汁。小兒丹毒用根良。

按葶藶入心腎二經，補血氣，止煩渴，能安孕婦之胎，療小兒之丹毒，然護胎涼毒，宜取其根，而止渴，則宜取其汁也。

萱草根 味甘性寒無毒

萱草治淋通酒疸。鹿葱亦是一般名。其花孕婦如能佩，宜有男兒早降生。

按萱草根入脾胃二經，主沙淋水氣，酒疸身黃，小便赤澀，身體煩熱，安五臟，利心志，令人喜悅忘憂，輕身明目，採其根苗，功亦相倣，花名宜男，最利胸膈，妊婦佩之，可轉女爲男也。

蒲公英 味苦甘性寒  
無毒解食毒

蒲公英能解熱毒。乳癰腫痛效如神。並治惡瘡除結核。又攻疔毒最堪珍。

按蒲公英足少陰腎經君藥也。又入脾胃二經。解熱毒。治惡瘡。除結核。散滯氣。同忍冬。籐取汁入酒。以治乳癰。其效神速。又善攻疔毒。因名黃花地丁。雖其類繁衍。四時有花。然其色黃。屬土。亦稟天地中和之氣。至賤而實堪珍也。

漏蘆

味鹹性寒無毒  
連翹爲之使

漏蘆專主通行乳。亦有醫瘡療眼功。理損續妊筋。除熱並毒瘰癧。與腸風。

按漏蘆下乳汁。消熱毒。排膿止血。生肌殺蟲。故東垣以爲手足陽明藥。而古方治癰疽發背。以漏蘆湯爲首稱也。

### 夏枯草

味苦辛性寒無  
毒王瓜爲之使

冬至生夏至枯  
故名宜用莖葉

本經云夏枯草氣味苦辛寒主寒熱瘰癧鼠瘻頭瘡破癥散痺結氣脚腫濕痺  
輕身

夏枯草至夏又枯醫治頭瘡不可無。破癥消癰通結氣。鼠消瘰癧  
更能除。

按夏枯草入肝經散血破癥生肌解毒攻瘰癧去癭瘤除濕痹消脚腫肝  
虛目病冷淚羞明以及頭瘡鼠瘡皆能主之夏至而枯者蓋稟乎純陽之  
氣得陰氣則枯也治眼珠疼至夜則甚者神效或用苦寒藥點之反甚者  
用此亦神效蓋目珠連日系屬厥陰之經夜甚及點藥反甚以寒與寒皆

屬陰故也。夏枯草稟純陽之氣，補厥陰血脈如神者，以陽治也。

酸漿草

性寒味苦無毒

酸漿主熱除煩滿，通利諸淋，又治崩。妊婦產難，胎不下。若吞其實，即時生。

按酸漿利濕除熱，除熱故能清肺止咳，利濕故能化痰治疸。人病虛弱，咳嗽有痰，以此加湯中，用之即效。

冬葵子

味甘性寒無毒

葵子甘寒能滑利。主除寒熱，逐膀胱。婦人難產，胎難下。乳汁癰疽。

並見長。

按冬葵子入小腸膀胱二經主五臟六腑邪氣利小便療熱淋逆生者得此即順胎死者得此即下能通乳汁堪潰癰疽其根可治疔瘡最滑利之品也。

葶藶子

味甘平性寒有小毒忌食豆凡使先須和皮鹽湯煮半日待熱取肉研而用之

葶藶子主催生塗脚心中速去之。瘡癢用油搽敷妙。水瘕研服更爲奇。

按葶藶子入脾大腸二經除臟腑燥熱消水脹腹滿無名腫毒敷之可消口眼歪斜塗之可正塗足心下胞胎如神塗歸頂收子腸甚捷但服過者

一生忌食豆，誤犯之，腹脹猛甚，又主脚氣，風腫不仁，搗蒸敷之。此藥外用，屢奏奇功，但內服不可輕用。

常

山

味苦辛性微寒有毒惡生葱菘菜及醋春用莖葉夏秋冬酒浸一宿曬乾炒俱用根

常山味苦性微寒。治瘧吐痰大伐肝。黃細形如鷄骨勝。苗名蜀漆。一般看。

按常山屬金，宜伐肝邪，其功專理瘧疾，其用最開疾結，然其性甚酷，下咽令人大吐，有傷脾胃，惟精壯與痰實者，宜之。若老人小兒及虛弱人病者，不宜用也。常山蜀漆有劫痰截瘧之功，須在發散表邪，及提出陽分之後，用之得宜，神效立見，若用失其法，真氣必損，大天人壽，夫瘧有六經瘧，五

臟瘧、痰濕、食積、瘴疫、鬼邪、諸瘧，須分別陰陽虛實，不可一概論也。

### 大戟

味苦甘性大寒有小毒豆爲使誤惡山茱萸畏菖蒲反甘草生者令人洩氣不禁勿用

大戟苦寒除蠱毒。本功利水治諸風。苗名澤漆同消腫。甘草逢之必反功。

按大戟入十二經，一云入脾經。除腹滿急痛，利大小腸，消水腫，散癥結，解蠱毒，治諸風，發汗而理頭痛，通經而墮胎孕，然能損真氣，須量虛實用之。凡痰涎隨氣升降，無處不到，入於心，則迷竅而成癲癩，妄言妄見，入於肺，則塞竅而成咳吐稠粘，喘急背冷，入於肝，則留伏蓄聚而成脇痛，乾嘔寒熱往來，入經絡，則麻痺痛入筋骨，則周身牽引隱痛，控涎丹治痰有效，惟善

用者，乃能奏奇功耳。

甘遂

味苦甘性微寒有毒  
瓜蒂爲使反甘草

赤皮甘遂能消水利飲寬膨更破癥主療四肢頭面腫若逢甘草便相刑。

按甘遂入小腸膀胱二經逐膀胱宿熱消面目浮腫利水道去留飲除癥破堅積散痞熱寬膨滿然專於行水亦以決致爲用入藥當審而後發者也張仲景治心下留飲與甘草同用取其相反而立功也腎主水凝則爲痰飲溢則爲腫脹甘遂能洩腎經濕氣治痰之本也不可過服但中病則止可耳。

芫花

味苦辛性微寒有小毒

芫花去水消浮腫。欬逆喉鳴亦用之。痰吐腰疼心腹痛。瘡惡風痺並能醫。

按芫花入十二經，利水道，破積聚，消痰唾，除欬逆，治惡瘡，除風痺，蕩滌腸胃中一切留飲宿食，堅癥固癖，與夫寒熱邪氣，腹疼腰痛諸疾，仲景以此治痢者，以其行水也，水去則痢止，其意如此，須酌其虛實，不可多服，以貽滲泄之憂也。

水萍

味酸辛性寒無毒大者勝

本經云水萍氣味辛寒，主暴熱，身癢，下水氣，勝酒，長鬚髮，主消渴，久服輕身。  
水萍大小分三種。止渴仍能治火瘡。通利小便，消水氣，更除癩疹。  
熱風狂。

按水萍入肺，故能去風；入小腸，故能去濕，消水腫，利小便，除癩疹，治癱瘓。  
釋癢堪爲沐藥，發汗甚於麻黃。高供奉萍歌曰：女生靈草無根幹，不在山  
間不在岸，如因飛絮逐東風，荇梗青青飄水面。神仙一味去沈疴，採時須  
在七月半，選治癱風與緩風，些小微風都不算。豆淋酒下兩三丸，鉄撲頭  
兒都出汗，由此觀之，其功甚於麻黃，亦以其爲澤中紫背大萍，非溝渠所  
生小萍也。

商陸

味酸辛性寒有毒東流水浸一宿以豆葉蒸晒用

商陸人形者有神。主消水腫。味酸辛。種分赤白。宜詳辨。白者堪嘗。赤損人。

按商陸入脾膀胱二經。消水腫。解蠱毒。除疝瘕。疏五臟。墮胎孕。治癰腫。有赤白二種。白者可服。赤者祇堪塗腫。誤服殺人。胃弱者斷不可服。

海藻

味鹹性寒無毒用洗去鹹寒焙乾須

海藻鹹寒治癭瘤。一般海帶更長柔。專主疝氣偏癩病。水腫逢之即可瘳。

按海藻入腎膀胱二經除癭瘤去痰核消癰腫破癥瘕凡皮間積聚腹內時鳴以及十二水腫七般疝氣皆能治之

### 昆布

味酸鹹性寒無毒勿輕服

昆布鹹酸性最寒能消水腫利漩難癭瘤結硬真良劑海藻同科氣自寬。

按昆布鹹能軟堅故癭堅如石者非此不除噎症用之取其祛痰也雖與海藻同功然性雄於海藻久服瘦人無此疾不可食

### 海金沙

味甘性寒無毒

海金沙用日中收。通利便瀉功頗優。若療傷寒強熱病。蓬砂梔子馬硝儔。

按海金沙入小腸膀胱。二經血分藥也。除濕熱消腫滿。清血分利水道。惟熱在太陽經血分者宜之。

大青 味苦性寒無毒

大青本草出荆南。最療時行口渴乾。熱毒頭疼腰脊痛。古方以此治傷寒。

按古方治傷寒黃汗黃疸等。有大青湯。又治傷寒頭痛身強腰脊痛。葛根湯內亦用大青。大抵時疾多用之。又其氣寒。味微苦鹹。能解心胃熱毒。不

特治傷寒也。

茅根

味甘性寒無毒

茅根通血除煩熱。通利洩便治五淋。吐花久瘡。更效金瘡未破用茅針。

按茅根入胃小腸二經。逐瘀血通血閉。止吐衄。療金瘡。逐小便。治五淋。理勞傷。補虛羸。除腸胃客熱。攻婦女崩漏。白茅根甘能除伏熱。利小便。故能止諸血。噦逆。喘急消渴。若黃疸水腫。乃良物也。

茜根

味苦性寒無毒畏鼠粘子制雄黃凡使勿犯鉛鐵器勿用

本經云，茜草氣味苦寒無毒，主寒濕風痺，黃疸，補中。

茜草味苦性微寒。中蠱能消吐爛肝。吐衄不寧研末服。風寒暑濕可痊安。

按茜根，色赤而氣溫，味微酸而帶鹹，色赤入營，氣溫行滯，味酸入肝，鹹能走血，手足厥陰血分之藥也。專能行血活血，俗方用治婦人經水不調，甚效。

天明精

味甘性寒有小毒取汁服  
令人吐垣衣地黃爲使

天明精本出平原。瘀血癥瘕破令寬。更療金瘡攻痔瘻。消除煩渴利漩難。

按天明精，併根苗而言也。崧松，皆言其苗葉也。鶴虱，言其子也。其功能吐痰止血，殺蟲解毒。故搗汁服之，能止痰癆。漱之立止牙疼。按之敷蛇咬，亦治諸瘟病也。

藜蘆

味辛苦性寒有毒有細辛蒸藥人參沙參丹參苦參玄參

藜蘆主殺諸蟲毒。吐出風涎不入腸。疥癬惡瘡爲要藥。更除癰肉及頭瘡。

按藜蘆乃吐藥，不可輕用。

狼毒

味辛平性有毒

鼠癩瘡。狼毒味辛微有毒。緣而沉水者為良。主除咳逆兼心痛。蠱毒蟲疽。

山慈孤

味甘辛性寒有小毒

山慈孤號鬼燈檠花。即金燈濕地生。瘡腫癰疽癩癧核。醋敷諸毒最為精。

蘆根

味甘性寒無毒

蘆根寒性除邪熱消渴能除止小便。膈噎悶煩兼吐逆。水煎三盞。即時痊。

按蘆根入肺腎二經，清客熱，除消渴，止小便，蠲嘔噦，治五噎膈氣，悶煩吐逆，飲食不下，以蘆根五兩，水三盞，煮一盞，服之甚效。

胡桐淚

味鹹苦性大寒無毒殺其毒並上毒多服令人吐又爲金銀鎔藥

胡桐無毒，味鹹寒。腹脹心煩，取吐寬。風蛀牙疼爲要藥。形須夾石似黃礬。

按胡桐淚入脾胃二經，主大熱毒，心腹煩滿，膨脹不消，水和服之，取吐極效。又除癰癥結核，風蛀牙疼，及馬牛急黃黑汗，形似黃礬，得水卽消，如硝石也。

貫衆 味苦性微寒有毒

貫衆苦寒能散熱。主除寸白殺三蟲。破癥仍治金瘡痛。細末調湯止鼻洪。

按貫衆大治婦人血氣化五金伏鐘乳結砂制汞且能解毒軟堅俗呼管仲是也。

石蓮子 味苦性寒無毒去殼用

石蓮味苦性微寒。瀉火清心可解煩。濕滲膀胱爲白濁。痢除噤口是神丹。

按石蓮子，入心、胃、膀胱三經，瀉少陰之火，可清心而解煩，除噤口之痢，能開胃而進食，又濕熱滲入膀胱，爲白濁淋瀝，以及遺精，皆能治之。

梨子

味甘性寒無毒

梨子食多令冷痢。金瘡乳婦不宜嘗。解煩止嗽，除消渴。若吐風痰，可作漿。

按梨子入心、肺二經，主心經客熱，肺臟邪熱，止嗽消痰，清喉降火，解渴除煩，消風潤燥。然梨者利也，流利下行之謂也，多食損脾，故令人發冷痢，至於乳婦及金瘡，尤不宜用。

柿 子

味甘澁性寒無毒  
忌豬魚蟹同食

柿冷潤喉通耳鼻。火乾止痢澁人腸。消痰止渴仍解酒。除噦須知用蒂良。

按柿子入心肺大腸三經。主潤心肺通耳鼻。清火熱消痰嗽。除煩渴解酒。醉祛腸內宿血。止口中吐血。若同蟹食。令人腹滿大瀉。柿餅潤喉降火。補虛殺蟲。厚腸止痢。蒂主呃逆。皆清涼之品也。

茶 茗

味苦甘性  
微寒無毒

茶茗無毒味甘寒。下氣生津止口乾。消食除痰祛宿膩。清巔醒睡。

利便難

按茶茗入心肝脾肺腎五經主清頭目利小便生津液解熱渴下滯氣消宿食醒瞌睡除痰飲去一切油膩之邪解諸物煎炙之毒雖其種類不同大率皆清涼之品也

粟米

味鹹性微寒無毒

粟米鹹寒能養腎胃虛嘔逆和爲丸。若除胃熱須陳者更治消中利小便。

菘

豆

味甘性寒無毒宜連皮用

開寶云，菘豆氣味甘寒無毒，主丹毒煩熱，風疹，藥石發動，熱氣奔豚，生研絞汁服，亦可潰食，消腫下氣，壓熱解毒，用之弗去皮，令人小瘻。菘豈甘寒除熱毒，和中安胃去丹風，更能瀉火祛頭痛，明目生神，亦有功。

按菘豆寒則入心而瀉火，甘則入胃而和中，主除熱毒，散風疹，止霍亂，厚腸胃，治頭風，明眼目，亦能消痰下氣，補臟養神，禹錫具稱其補益之功，宜常食之者，良有以也。

豆 豉

味苦性寒無毒，淡而香者佳。

別錄云，豆豉氣味苦寒無毒，主傷寒頭痛，寒熱瘴氣，惡毒，煩躁滿悶，虛勞喘咳。

兩脚冷疼，

豉本食中常用物。頭疼發汗，必須加解煩，止痢除諸毒。酒浸和敷脚痛嘉。

按豆豉入肺經，除傷寒頭痛，解煩悶懊懣，攻惡毒，消瘴氣，治虛勞，止痢疾，以酒浸爛，可敷足疾，加減葱豉湯，治傷寒初起，頭疼發熱，取汗極妙。豆豉調中下氣，黑豆性涼，作豉則溫，既經蒸窰，故能升能散，得葱則發汗，得鹽則能吐，得酒則治風，得薤則治痢，得蒜則止血，炒熟則能止汗，亦麻黃根節之異也。

芝 蔴

味甘性生寒  
熟熱無毒

本經云，芝蔴氣味甘平無毒，主傷中虛羸，補五內，益氣力，生肌長肉，填腦髓，久服輕身不老，色黑者良。

蔴子能通大小腸。本風益氣補勞傷。可爲末藥生頭髮。下乳催生治渴良。

按芝蔴入胃，大小腸三經，主行風氣，通血脈，滑腸胃，潤肌膚，生嚼可敷小兒頭瘡，蔴油主治相同，又能殺蟲疥，解百毒，乳母食蔴，令兒無熱病，男子不宜久服，令人滑精消瘦，若有齒痛及脾胃疾者，尤所當戒也。

蔴子

味甘性寒無毒

蔴子甘寒不利人。發瘡長痼損精神。凍瘡根葉煎湯洗燒蒂腸風

最得名

按茄子屬土故甘而喜降大腸易動者忌之老實治乳頭裂根煮湯治凍瘡蒂燒灰治口瘡俱獲奇效皆甘以緩火之義也

白東瓜

味甘性微寒無毒經霜者佳取子中仁用

白東瓜主治煩躁止渴通淋利小腸解熱消癰醒水脹脾腎悅色子尤良。

按白東瓜入脾胃大小腸四經主胸前煩悶作渴臍下水脹成淋通小便醒脾氣大解熱毒可貼癰疽又解丹石毒及魚毒用子中仁尤良但久病與陰虛者忌用

馬齒莧

一名九頂獅子草  
甘酸性寒無毒

莧名馬齒味酸寒散血風瘡治火丹止渴殺蟲攻血痢開盲磨翳  
利便難。

甜瓜蒂

味苦性寒有小毒有赤白二  
種宜取赤者摘蒂用爲妙

瓜蒂除浮仍治疸欲消癰肉鼻中吹有人胸腹中間病此藥尤能  
吐下之

按瓜蒂入肺胃小腸三經消水腫療黃疸去鼻中癰肉除偏風頭疼一切  
痰涎及傷果食壅塞胸腹中者以此吐下之鼻內久不聞香臭丁香一個

瓜蒂十四枚，黍米四十九粒，爲末，含水，搗一字，取下，極效。難經云：上部有脈，下部無脈，其人當吐，不吐者死。此飲食內傷，填寒胸中，食傷太陰，風木生發之氣，伏於下，宜瓜蒂散吐之，素問所謂木鬱則達之也。

### 花木門（熱部）

菌

桂

寒氣之鬱結不舒者，惟辛溫可以散之。桂性溫補陽而香氣最烈，則不專於補，而又能驅逐陰邪。凡陰氣所結，能與藥相拒，非此不能入也。性忌生葱。

本經云：菌桂，味辛溫，主百病，養精神，和顏色，爲諸藥先聘。通使，久服輕身不老，面生光華，媚好常如童子。

肉桂本功宜入腎。主溫水臟補勞傷，續筋理骨，除腰痛，痼冷沉寒，用卽康。

按肉桂入腎，宜補腎，主暖精髓，補勞傷，續筋骨，除腰疼，一功沉寒痼冷病在下焦者，非此不治。但壯年火旺者，忌用。東垣云：肉桂味辛甘，大熱純陽，溫中利肺氣，發散表邪，去營衛中風寒，秋冬治下部腹痛。

桂

心

去皮與裏取中  
心用忌生葱

桂心屬內除心痛。竅通關絕有神經閉，血瘀胞不下。遇行猶可墮妊娠。

按桂之去皮與裏而止用其身中者，爲桂心。在內屬火，則有入心之義。而心主血，故宜入之。主利九竅，開關節，散結氣，破瘀血，下胞衣，墮胎孕。如有孕者，勿過用。桂枝入足太陽膀胱經，桂心入手少陰心經，血分肉桂入足

少陰太陰脾經血分，細簿者爲枝，爲嫩，厚脂者爲肉，爲老，去其皮與裏，用其中者爲桂心。

官桂 一云作觀桂

官桂居中宜益脾。中焦虛冷最相宜，轉筋霍亂功能療瀉痢腸寒效可期。

按桂之居中而次厚者，爲官桂，脾主中州而甘溫之性，與脾相悅，宜其入矣。肝居脾下，亦臟之麗於中者也，且味辛能利肝氣，當併入之，主中焦虛寒結聚，與夫轉筋霍亂，肚腹瀉痢等疾。

牡桂

牡陽也牡桂者卽今之桂枝桂皮也

本經云牡桂氣味辛溫無毒主上氣欬逆結氣喉痺吐吸利關節補中益氣久服通神輕身不老

桂枝四發宜歸肺表散風邪用解肌若是傷寒兼有汗除煩止咳不須疑

按桂之嫩枝四發者爲桂枝四發則有發散之義且其氣味俱輕宜入肺經以理風邪主解肌發表治有汗之傷寒止咳除煩定上行之咳逆此仲景救表所以用桂枝湯也後人不察謂其能解表又能止汗不知衛有風寒故病自汗以此發其邪則衛和而表密汗自止耳豈其隨發之而又隨

止之乎。况本草言其發汗，正合素問辛甘發散之義，而衍義乃謂仲景治表虛已誤矣，後人因而用以止汗，不亦誤之又誤乎。更有一種在上而薄者，曰薄桂，主上焦有寒，走肩背而行四肢。丹溪云：桂虛能補，此大法也。

### 吳茱萸

吳茱萸味極辛，辛屬金，平木故為驅逐肝風之要藥。但肝風有二：一為挾寒之風，一為挾火之風。吳茱萸性溫於挾寒之風為宜，此又不可不審也。

本經云：吳茱萸，味辛溫，主溫中下氣，止痛，咳逆寒熱，除濕血痺，逐風邪，開腠理，吳茱萸主逐寒邪，咽塞胸滿實可嘉。心復刺痛兼痛逆，攻心脚氣，效堪誇。

按吳茱萸入肺肝脾胃大腸腎六經，主寒邪咽塞，喉間哽呃而不通，風邪脹滿，胸中隔絕而不利，心腹絞痛難禁，氣逆衝咳不已，以此下氣溫中，功

效甚速，赤能開腠理，利五臟，除血痺，消宿食，連轉筋，霍亂，療脚氣，攻心，然不可多用，大損元氣，虛人忌之。溫中下氣，開鬱止瀉，去痰消食，除濕起陽，止吞酸疝氣水腫，治心腹冷痛如神。

### 草豆蔻

草豆蔻辛而性熱，主除脾胃受風邪，調中止嘔，攻寒瀉，腹痛連心，治亦嘉。

按草豆蔻入脾胃二經，主脾胃客忤之風邪，止心腹新舊之疼痛，亦能消食解酒，溫中健脾，其功雖與白豆蔻相似，而性尤燥急，不及白豆蔻有清高之氣也。若胃火盛者，宜酌用之。李念莪云：散寒，止心腹之痛，下氣，驅逆。

滿之疴開胃而理霍亂吐瀉攻而堅破噎膈癥瘕

益智子

味辛性熱去  
皮鹽炒用

益智和中仍益氣。主除虛漏及遺精。若人夜起多便溺。搥碎鹽煎效更神。

按益智入脾胃腎三經。脾胃受寒用之則和中止嘔。腎經不足用之則除溼固精。以其益氣補中安神定志。故有益智之名。若夜多小便。取十四枚搥碎入鹽湯煎服。其效如神。益智乃行陽退陰之藥。三焦命門氣弱者宜之。楊士瀛云。心者脾之母。進食不止於和脾。火能生土。當加心藥入脾藥中。庶幾相得。古人進食用益智。土中益火也。血燥多火。反因熱而遺濁。法

宜禁之。

補骨脂

忌羊肉與芸樓酒浸一宿用

開寶云補骨脂氣味辛溫無毒主五勞七傷風虛冷骨髓傷敗腎冷精流及婦人血氣墮胎。

補骨脂名破故紙。主攻血氣補勞傷。陽衰腎冷精流出。研爛胡桃合服良。

按破故紙苦能堅腎且性大暖故專入少陰主五勞七傷陽虛精滑腰疼膝痛囊濕陰寒一切血氣衰微痼冷沉寒之疾皆能治之。但命門火衰及氣燥精枯者不可用。故紙屬火收斂神明能使心胞之火與命門之火相

通故元陽堅固，瀦以治脫也。胡桃屬木，潤燥養血，佐故紙有木火相生之妙。補骨脂煖補水臟，壯火益土之要劑。宜丸不宜煎，但陰虛火動，大便秘結者戒之。

### 黑附子

凡有毒之藥性寒者少性熱者多寒性和緩熱性峻速入於血氣之中則暴厥烈性發不文藏府嬌柔之物豈能勝害故須慎用又熱毒易見寒毒難見

本經云附子味辛溫有大毒主風寒咳逆邪氣寒邪逆在上焦溫中金瘡破癥堅積聚

血癥寒濕痿躄拘攣膝痛不能行步以刀削去皮臍每個剖作四塊用滾水俟溫泡三日一日一換去鹽味晒半燥剖十六塊於銅器炒熟用之近

世以便煮之非法也

附子主除心腹痛更攻咳逆破癥堅墮胎止痢回陽氣濕痺風寒

可頓蠲

按附子，本手少陽三焦命門之藥，然引藥通行諸經，主六腑沉寒，三焦厥逆，風寒咳逆，濕痺拘攣，腰脊冷弱，足膝難行，與夫赤白痢疾，霍亂轉筋，皆能治之，而其墮胎尤速，爲百藥之長，但其性走而不守，如躁悍之將，善用之奏效甚捷，不善用之，爲害匪輕，非身表涼而四肢厥者，不可漫用也，凡人中風，不可先用風藥，及烏附，宜先用氣藥，後用烏附，又凡用烏附藥，併宜冷服者，熱因寒用也。

### 烏頭

烏頭之有兩岐者如烏之喙，名烏喙，主男子腎濕陰痿，癰腫諸疾，草烏射罔乃至毒之藥，若非川烏附子人所栽種，加以炮製殺其毒性，白風頑急病不可輕投。

烏頭破積除寒濕，兼中風邪惡見風。逐冷墮胎攻腹痛，又消痰飲滯胸中。

按烏頭，卽附子之嫩小者，冬月採爲附子，春月採爲烏頭，所入經絡與附子同。主中風惡風，洒洒出汗，甚妙。亦能除寒濕，蠲咳逆，破積聚，消痰癖，療肩背痛，不可俛仰，治目中痛，不可久視。象云：治風痺血痺，半身不遂，行經藥也。

天雄

性味入經亦同附子，但身長三四寸許，有鬚，遠志爲使。

天雄功烈如烏附。逐痺除風，更助陽。並出建平爲道地。故名。二建載醫方。

按天雄，卽附子之長而尖，其頂不正者，其氣上行，主上焦陽虛諸疾，療頭面之痛，止去來之風。天雄味甘辛溫，大溫有大毒，七少室山谷惡腐，脾炮製去皮臍用皮。

乾

姜

味辛性大熱凡味厚之藥主守氣厚之藥主散乾姜氣味具厚故散而能守夫散水洗泡黑用不全散守不全守則旋轉於經絡藏府中驅邪除濕和血通氣甚宜

本經云，乾姜味辛溫，主胸滿咳逆上氣，溫中止血出汗，逐風濕痺，腸澼下痢，生者尤良，久服去臭氣，通神明。

乾姜治咳除胸滿，逐散身中濕痺風，止利溫中仍止血，心疼霍亂有奇功。

按乾姜入肺大腸脾胃腎五經，生者行血，逐寒邪而發表，熟者止血，治胃冷而溫中好其功之殊也。蓋血遇熱則行，生者熱而辛，故能行血而一切表寒之疾，皆能散之；熟者雖熱而見火，則味苦而色黑，守而不移，故能止血而一切裏寒之疾，皆能溫之。然生者之溫不如熟者之妙，毋論胸滿咳

逆，心腹冷疼，與夫腸癖下痢，吐衄崩漏，諸症，俱有功能，卽沉寒痼冷，腎中無陽，脈氣欲絕者，用黑附子爲引，大有起死之功，但必果係寒疴，施之立效，若屬火症，或爾妄投，召禍匪輕，東垣云，多用能耗元氣，以其壯火食氣故也，然諸書皆言補脾，而海臟獨言洩脾，所謂泄者，非脾之正氣受泄，是泄脾中之寒邪，脾中受濕，須以此辛藥燥之，故曰泄脾也，丹溪云，乾姜散肺氣，同五味子能止嗽，若治血虛發熱，用以散寒，當與人參及補陰藥同用，入肺中則利肺氣，入腎中則燥下濕，入血分則又能引血藥以生血也，腎脈無陽，脈氣欲絕，用黑附爲引，以辛散之也，名姜附湯，亦治中焦寒邪，寒淫所勝，又能補下焦，故四逆與理中湯俱用之，以其回陽也，多服僭上，令人目暗喉痺，孕婦食乾姜，令胎內消。

高良姜

味辛性熱無毒

高良姜本出高良。下氣溫中可作湯。霍亂轉筋心腹痛。要知此藥是仙方。

按高良姜入脾胃二經。主胃中逆冷。霍亂腹痛。除寒氣。祛冷痺。止吐瀉。療翻胃。消宿食。解酒毒。惟真有寒症者服之甚驗。若有火症者。誤投愈劇。

藜 菱

味辛性微熱無毒醋浸一宿刮去皮令漂子淨方用

藜菱溫中仍下氣。比之菟醬味尤辛。主除瀉痢心腹痛。更搗頭疼效若神。

按華芰入肺脾胃膀胱四經主溫中下氣消食開痰驅胃冷止霍亂治瀉痢日久療心痛連巔又能治陰疝殺腥然不宜多服能走泄真氣令人腸虛下重也又爲頭虛鼻淵牙疼要藥取其辛入陽明經散浮熱也

檀香

味辛性微熱無毒磨細用

檀香非特消風腫抑且能收霍亂功腎氣上攻心腹痛濃煎服卽能通。

按檀香入肺脾胃腎四經主消風腫辟惡氣祛鬼邪殺諸蟲治腎氣上攻心腹疼痛東垣云能調氣而引芳香之物上行至極高之分最宜橘橙之屬佐以姜棗將以葛根荳蔻縮砂益智通行陽明之經在胸膈之上處咽

噎之中，同為理氣之藥，入手太陰，足少陰也。

### 阿魏

味辛性熱無毒，先於淨鉢中研極細，於熱酒氣上蒸入藥中用之。

阿魏無真，却有真。臭而止臭，乃為真。殺蟲下氣，除癥積。又治傳屍

### 又辟瘟

按阿魏入胃經，主定霍亂，止腹痛，辟瘟禁瘴，殺鬼驅邪，能消蠱毒，可滅傳屍。產波斯國，阿虞木肉之脂也。

### 蜀椒

味辛性熱有毒，惡括蕪防葵畏雄黃棟去閉口者，微炒。椒目同巴豆，薑蒲松脂黃臘治蠱。

別錄云：蜀椒氣味辛溫有毒，主邪氣咳逆，溫中，逐骨節，皮膚死肌，寒濕痺痛，下

氣久服頭不白，輕身增年。

蜀椒辛熱治寒痺下氣溫中散冷風並治洩精腸癖痢子名椒目水能通。

按蜀椒入肺脾二經主心腹氣冷六腑沉寒風邪咳熱寒濕痺疼腸澼下痢霍亂轉筋堪辟瘟疫可洗漆瘡其子名椒目專利水道多服令人泛氣且發熱疾閉口者能殺人須揀盡椒純陽之氣乃手足太陰右腎命門之藥真南方之陽受西方之陰故能入肺散寒治咳嗽入脾除濕治風寒濕痺水腫瀉痢入右腎補火治陽衰洩數足弱久痢諸症。

萆澄茄

附胡椒卽胡椒之向陰探味辛性熱

萆澄茄子能消食下氣寬膨用最良。不特多人除胃病亦能溫腎與膀胱。

按萆澄茄與胡椒實同一本。其向陰採者為萆澄茄入脾胃膀胱三經。主下氣消食。溫胃健脾。去皮膚之風。消心腹之脹。逐膀胱冷氣。煖腎臟沉寒。其向陽採者為胡椒。向陰採者即名萆澄茄也。

酒

味苦甘辛性大熱有毒  
忌諸甜物及與乳同食

酒性最能行藥勢。大寒凝海。此難冰。通入血脈。溫脾胃。辟惡除邪。破癖癥。

按酒入十二經。主通血脈。榮養肌膚。溫脾胃。助藥力。辟穢惡。解瘴疫。少飲。

最能益人，若沉酣於此，最能發濕熱，爲百病之媒。

大 蒜

味辛性熱有毒

大蒜溫中消肉食，能除霍亂辟諸邪。主攻暑毒宜多嚼。去濕消癰治亦嘉。

按大蒜入脾胃二經，主溫中消食，辟惡除邪，治中脘冷痛，消瘟疫瘴癘，以及蠱毒疔腫，邪痺毒氣，皆能治之。但不可多食。丹溪云：性熱快膈，人皆喜之。不知多食，則傷脾損肺，壞肝昏目，生痰伐肺，面無顏色，化肉之功不足。抵也。葫蒜入太陰陽明，其氣薰烈，能通五臟，達諸竅。凡中暑毒人，爛嚼二三片，溫水送之，下咽卽解。但禁飲冷水，又鼻衄不止者，搗敷足心，衄止卽

去之。

### 花木門（溫部）

人參

人參得天地精英純粹之氣以生與人之氣體相似故於人身無所不補非若他藥有偏而治病各有其能也

本經云，人參味甘微寒，主補五臟，安精神，定魂魄，止驚悸，除邪氣，明目，開心益智，久服輕身延年。

人參治氣味甘溫。止渴除煩，長液津。生脈補虛，安五臟，寧魂定魄，久輕身。

按人參最能補氣，宜入肺經，止渴生津，活血益氣，而又臟腑均補，何其功之宏也。蓋人身以氣為樞，而肺主氣，經所謂相傳之官，制節出焉，肺得其

補則節制咸宜，氣行則血因以活矣。古方用以解散，亦血行風自滅之意也。至於津液藏於膀胱，實上連於肺，故有生津之功，而輕身之妙，固其能事也。然惟肺寒者，氣虛血滯，則可服。若肺熱者，火炎氣逆，血脈激行，參主上升，且能濟血，則脈反傷矣。亦宜慎之。東垣云：人參甘溫，能補肺中元氣，肺氣旺，則四臟之氣俱旺，精自生而形自盛，肺主諸氣故也。仲景云：病人汗出，身熱妄血，脈沉遲者，下痢身涼，脈微血虛者，並加人參。古人治血脫者，益氣，蓋血不自生，須得生陽之藥乃生。陽生則陰長，血乃旺矣。若陰虛單補血，血無由而生，無陽故也。夏月治熱傷元氣，身汗大泄，欲成痿厥，用生脈散，以瀉肺火而救金水。君以人參甘而瀉火，以補元氣。臣以麥冬之寒，清肺金而滋水源，佐以五味子之酸溫，生腎精而收耗氣，此乃補元真。

之氣，非補熱火也。東垣謂久病鬱熱在肺者，勿用，以火鬱於內，宜散不宜補也。若肺虛火旺，氣短自汗者，宜用也。若真虛吐痢，及病虛胃弱者，宜用也。丹溪言諸痛不可驟用者，以邪氣方銳，宜散不宜補也。節齋言陰虛火旺者不可用，以血虛火亢能食，脈弦而數也。涼之則傷胃，溫之則傷肺，不受補也。若自汗氣短，肢痛脈虛者，宜用也。人參味甘，合五行之正性，溫得四氣之和，虛人服之，譬如陽春一至，萬物發生，惜乎王節齋泥古云，肺熱傷肺之說，妄謂參能助火，陰虛忌服，自斯言一出，印定後人眼目，凡遇勞症，概不敢用，病家亦主此說，甘受苦寒，至死不救，豈非一言而傷天地之和哉。殊不知虛勞吐血，古人屢言受補者可治，不受補者不可治，故從古治勞，莫妙於葛可久，用參之劑，十有六七。潔古東垣丹溪三君子，未嘗云

參不可用。而世之醫學寡陋者，弗能洞晰精微，牢守節齋一說，不知會通羣言，真可謂殺人不用刀矣。苦夫血症初起，肺脈洪實，脹症暴成，九候堅強，痧症初現，斑點未透，傷寒傳經，惟茲數者，不可輕投耳。

陶宏景謂功用同甘草。凡一切寒溫補瀉之劑，皆可共濟成功。然甘草功兼陰陽。故本經云：主五臟六腑。人參功專補陰。故本經云：主五臟。仲景於咳嗽病去之者，亦以形寒飲冷之傷，非此陰寒之品所宜也。

徐昉胎曰：凡補氣之藥皆屬陽。惟人參能補氣，而體質屬陰。故無剛燥之病，而又能入於陰分，最爲可貴。然力大而峻用之失宜，其害亦甚大也。今醫家之用參救人者少，殺人者多。蓋人之死於虛者，十之一二，死於病者，十之八九。人參長於補虛，而短於攻疾。醫家不論病之已去未去，於病久或體弱，或富貴之人，皆必用參。一則過爲謹慎，一則借以塞責。而病家亦以用參爲盡慈孝之道。不知病未去而用參，則非獨元氣不充，而病根遂固。諸藥罔效，終無愈期。故曰殺人者多也。或曰：仲景傷寒方中，病未去而用參者不少，如小柴胡、新加湯之類是也。何則？曰：此則以補爲瀉之法也。古人處審病情，至精至密，知病有分有合，合者邪正併居，當專於攻散，分者邪正相離，有虛有實，實處宜瀉，虛

處宜補。一方之中兼用無礙。且能相濟。則用人參以建中生津。拓出邪氣。更爲有力。若邪氣尙虛而未分。必從專治。無用參之法也。况用之亦皆入疎散藥中。從無與熟地、萸肉等藥同入。或證方中者。明乎此。而後能不以生人者殺人矣。夫人參亦草根耳。與人殊體。何以能驟益人之精血。蓋人參乃升提元氣之藥。元氣下陷。不能與精血流貫。人參能提之。伎起。如大藥藏於砲內。不能升發。則以火發之。若砲中無火藥。雖以砲投火中。不發也。此補之義也。

### 黃耆

黃耆甘淡而溫。得土中之正味。正性。故其功專補脾胃。味又微辛。故能驅胃中諸邪。其皮最厚。故交能補皮肉。爲外科生肌長肉之聖藥也。

本經云。黃耆味甘微溫。主癰疽久敗瘡。排膿止痛。大風癩疾。五痔鼠瘻。補虛小兒百病。

黃耆補損更溫中。止痛排膿療耳聾。更主虛勞收盜汗。強筋止渴有神功。

按黃耆入肺脾二經。益元氣而補三焦。溫分肉而實腠理。外固表虛之盜

41  
498032

